

Chakulinga Chakumasuka

M'vigawâ Sikisi Cha Ulendo

Wa Gabriel Kwa Daniel

 Kweni nanguzukuma chomene pa a... wachokowachoko withu wa msinku wa m'matini mlenji uwu, wachokowachoko, imwe mukumanya, wachokowachoko "fefe" na "fifi," wachokowachoko, m, imwe mukumanya, m'ma sikisitini. Ndipo iwo wakunjira mu tchalitchi, imwe mukumanya, pafupifupi... Wasungwana wachokowachoko, wa msinkhu wangati ula, iwo wakukhumba kuwoneka wakutowa, imwe mukumanya. Iwo, imwe mukumanya, sisi lose laposekana, pachanya pa mutu wawo; Ine nanguwawona iwo, apo ine napharazganga, likarutirira waka kuwa, kuwa. Ndipo, para pakati pajumpa kanyengo, iwo wakalikankhiranga kumanyuma kwa chisko chawo, kuposekana kose kukamara.

² Msungwana muchoko wa Mlongosi Downing, ndipo—ndipo ine nkhamuwona iyo. Ndipo muchoko—muchoko—muchoko... muchoko wa M'bale Collins... Kasi zina lake ndinjani? Muchoko... [M'bale wakuti, "Betty."—Munozgil] Betty, Betty muchoko. Ine nkhaseka waka pachoko, kwa ndamwene. Kweni ine nkhwona kutowa kose, imwe mukumanya, kose kukachitika, ndipo pamanyuma mwakurunjika uku kukaŵa...

³ Enya, watumbike mitima yinu, wakutemweka, ndimwe wakutowa, kwa ine, munthowa yiriyose. Uwo mbunenesko. Kutowa, ndi, ndi mzimu wakutowa uwo wizenge na kukhala mu maungano ngati uwo, na kutegherezga ku Ivangeli. Icho ndicho chikupanga msungwana wakutowa. Ndipo ine nkughanaghana kuti mnyamata waliyose wanadi, uyo ngwakukwanira kutora, wakughanaghana chinthu chantheura. [M'bale Neville wakuti, "Amen."—Munozgil] Namuwongani imwe, bwana. Icho ntchiweme. Munyake wazomerezgana nane. Icho, uwo mbunenesko. Viri makora. Ine nkugomezga kuti uwo ndi Unenesko.

⁴ Sono ntchachilendo yayi icho? Ine nkhang'anamukira nkhanira mwakurunjika kwa Daniel 9 para ine nkhati najura Baibolo lane. Sono, ine kenekanandi nkuphalira waliyose, wângavuranga yayi vikhoti vyawo, awo wali na pakudoloka mu shati yawo, nttheura ine nkugomezga yane yirije. Kweni—kweni ine ndiri kuwonapo nyengo uko ine nkavura yayi ichi, na shati

yiri na pakudoloka, nadi nkhanira. Ndipo ine nkhusachizga kuti yimoza iyi yirije.

⁵ Sono, o, kwa ndamwene, ise...ndipo ine nkugomezga chifukwa cha gulu, ise tikuwonga Kuŵapo kwa Mzimu Mutuŵa mlenji uwu.

Ndipo ise tikuwonga wenenawene na kuŵapo kwa yumoza na munyake. “Umo kukunozgera, umo kuliri kuweme, umo kuliri kwakukondwereska, kuti wabale wakhalenge pamoza mu kukoleranako. Ichi chiri ngati mafuta ghakuzirwa ghakuphakazgira agho ghakakhira kufuma ku mutu wa Aaron, ulendo wose kufika musi mwa munjilira wake.”

⁶ Ine nanguruta kukarya muhanyauno, kula ku Blue Boar, ndipo kasi ine nangusangamo njani mwenemula kweni M'bale Bill kuno, na Mlongosi Dauch wakhala mula, waka—wakumalizga waka kurya yinyake ya mawonekero ghaweme chomene, nkhuku yakukazinga iyo ine nkayiwonapo, ndipo wakawânga waka na nyengo yiweme, thukuta kufumanga chifukwa cha ichi, imwe mukumanya. Nkhakwera vipinda vya muchanya ndipo nkhakumana na gawo likuru la mpingo muchanya mula, ndipo iwo wakakhumbanga nanga nkhunilipirira chakurya chane. Sono, chira chikaŵa chiweme chomene, ine nkhuwonga icho.

⁷ Para ine nkhati nafika kunyumba, apa wakwiza Billy na bokosi la tomato uyo munyake wakaniyeghera ine, ulendo wose kufuma ku chiweme chira, charu chakuzizima cha Georgia kusika kula, uko nkhakuzizima chomene kusika kula, iwo wakuniphalira ine, chamudera mu nyengo iyi.

⁸ Pamanyuma, nkhakumana na munthu wachichepere kuwaro. Ine nkhafumanga ku kakumana na wantru, kumuhanya uku, ndipo pakwiza ku tchalitchi pakunji ora na hafu lajumpha, ndipo muchoko...wakuŵa ngati munthu wachichepere, kuwaro, iyo wakati...Ine nkhati, “Uku kwawotcha.”

Iyo wakati, “Uku *nadi* kwawotcha!” Ine nkhamanya iyo wakafuma ku Georgia, nttheura iyo wakati, “Nadi kwawotcha kusika mu Georgia!”

⁹ Enya, ise tikuyezga kugwenthâ malo ghakotcha, tikuchita yayi ise? Ichô ndicho ise tiliri kuno.

¹⁰ Namuwongani chomene imwe, wabwezi, chifukwa cha uweme winu. Kasi ine nichitenge vichi kwambula imwe? Kuti waka—kasi ine nichitenge vichi kwambula imwe? Usange ine nkhaŵavye munyake uyo wakanitemwa ine, kukaŵavye munyake uyo wakananya kutegherezga ku Uthenga, Uthenga wane wose uŵenye wambula phindu. Ine ningapharazga yayi Ichi ku mizati ya telefoni na makuni. Ivi vingapulikiska yayi ichi. Nttheura pakwenera kuti pawé wantru ngati imwe mose, awo wîzengye na kutegherezga ku ichi. Ndipo para imwe mwafika na kukhala mu malo ghakotcha ngati agha, ndipo

ichi ndi... Muwoli wane wanguyowoya kuti iyo wanguŵa ngati waphya kunena kula, mlenji uwu. Ndipo kuwona wānthu, ndipo nyengo zinyake wānthu wārwari, awo wākhala mu maungano ghara ngati ntheura, Chiuta wamupeni imwe a—yiweme, nyumba yiweme mu Uchindami, ndilo īurombo lane. Ndipo ine nkhulindizga waka na kugomezga kuti Iyo wachitenge icho.

¹¹ Sono, tiyeni tiwone. Chikhoti chane, munyake wanguchitorera ichi kudera kuno. Ndipo ine nkhwenera kuti niwazgepo pachoko usiku uwu. Kasi mbalinga wākukondwera na vigawā vyakwambilira vya ichi? [Gulu likuti, "Amen."—Munozgi] O, usange kukaŵenge kuti kwawotcha chomene yayi, ise nthena tarutiriranga waka, kurutiriranga waka sabata yose, na a—Buku la Chivumbuzi. Ine nkhulitemwa waka Ili. Ine nkhukhala waka umoyo mu Ili. Ndipo imwe rombani, kuŵa ngati, kurombera ine, sabata iyi, chifukwa pa Sabata yikwiza ine... Para Fumu yazomerezga, ine nkhwenera kuti nichite icho, kuŵikanga masabata ghara pamoza. Ndipo icho ntchinyake icho ine nkhumanya kalikose yayi. Ndipo ntheura ine nigomezgenge waka Fumu kuti Iyo wanipenge zgoro.

¹² Ndipo ine—ine niri kuŵazga za wānthu wānandi awo—awo wākayowoya za ichi, awo wāli kulemba za ichi. Ine ndiri kuŵazga ndemanga musi umu, za Dr. Scofield, wakusambira mukuru, kweni nadi nkazomerezgana nayo yayi iyo, pa ndemanga zake zinandi za musi, chifukwa ine nkhuchiwona yayi ichi. Uko... Ichi chikwenera kuti—ichi chikwenera kuti chipange chithuzithuzi chiweme.

¹³ Sono, usange imwe mukawikanga ngati viduswa vya chithuzithuzi pamoza, ndipo chinthu chakudanga imwe mukumanya, imwe mukuti, "O, ichi chikhale pachanya *apa*. Yayi, ine ndiri na chigomezgo ichi chikhale pachanya *apa*." Enya, imwe mukwenera kuti mulawiske padera apa pa pułani, kuti muwone icho imwe mukuchita. Ndipo pamanyuma usange imwe—usange imwe mukuchita yayi, imwe muŵenge na chinthu chinu chose chakutimbanizgika.

¹⁴ Sono uli usange imwe mukatora...mukawa na chithuzithuzi cha ghakuru, malo ghakutowa kumuzi, ndipo ng'ombe yikaryanga utheka muchanya mu khuni? Sono, uwo uŵenge unenesko yayi (ungaŵa uwu?), chifukwa ng'ombe yikurya utheka pachanya pa khuni yayi. Ntheura, ndimo ichi chiliri usange, imwe, Mzimu Mutuwā ntha wakuŵika Lembā lira pamoza. Pamanyuma, imwe mukuŵa na chose, chithuzithuzi chikuru cha uwombozi. Ichō ndicho ise tikukhumba, Unenesko. Ndipo mpaka ise tiumannye Unenesko, ise tichilekenge waka ichi. Ndipo pamanyuma, para Chiuta watipa Unenesko ise, enya, ntheura ine niyowoyenge za ichi.

¹⁵ Imwe mukumanya kasi? Ine nkhusachizga M'bale Roy Slaughter na—na wānyake wā nyengo zakale kuno, awo

ŵakayamba kale kula nyengo yitali yajumpha... Vikâwako pakunji, ine nkhusachizga, virimika vyakudanga vitatu panji vinayi vya utumiki wane, nkhania kuno pa kachisi, ine nkhapharazga yayi nanga mpha chisambizgo cha gehena, chifukwa ine—ine nkhmanyisiska makora yayi kwali ghakaŵa malo ghakugolera moto, kwali ghakaŵa malaro. Ndipo nyengo yiriyose para Mazgu ghakati, *malaro*, ine mbwenu nkhapulikanga kutanthauzira, kukati, “*Hades*.” *Hades* ndi “malaro.” Nyengo yiriyose Ili likayowoya za gehena, “*Hades*, malaro.” Ndipo ine nkhachileka waka ichi mpaka ine nkhiasanga nadi icho ine nkhayowoyanga, pamanyuma ine nkhapharazga za gehena; nttheura para ine nkhati nachimanya, chithuzithuzi chose, ndipo nkhawona uko ili likâwa. Chifukwa, ine nkhuwona kuti mupharazgi wamkuzgora kwa Chiuta, icho iyo wakuphalira gulu lira, chifukwa iwo ŵakoreskenge nkhania ku icho. Ndipo nttheura, pamanyuma, uli usange ine nkhaŵapangiska iwo kukoreska pa malo ghaheni, ndipo pamanyuma mbwenu nyengo yafika apo chira ŵakoreska chizamukhora yayi? Mukuwona?

Ndipo mu mboniwoni yira iyo Fumu yikanipa ine, nyengo yinyake kale, para mamiliyonu ghara...para Yumoza yura kuyowoyanga kwa ine, wakati, “Iwe uzamkwerezgika, chakudanga, na Ivangeli ilo iwe ukupharazga.”

¹⁶ Ine nkhati, “Ine nkupharazga chinthu chenechira Paulos wakachita, na ŵanyake wose ŵa iwo.”

¹⁷ Ndipo mamiliyonu ghose ghara gha mazgu ghakachemerezga, “Ise tikuyegamira pa icho.” Ndicho chikâwako. Mkuwona? Mbunenesko.

¹⁸ Nttheura ine nkhukhumba kuti nirutirizge usiku uwu, sono, mwantheura ise titorenge nyengo yitali chomene yayi. Ndipo kuruwa yayi sono... Sono, mlenji uwu... Ine ndiri na manotisi ghachoko apa. Mlenji uwu ine nanguyowoya pa Daniel mu umikoli, Gabriel wakwiza kwa iyo ndipo wakamulangiza iyo za vyakunthazi. Ichon dico ise tanguŵa nacho mlenji uwu, langizo la vyakunthazi.

¹⁹ Sono, usiku uwu, ise tiyowoyenge pa *Chakulinga Cha Kumasuka M'vigâwa Sikisi Cha Ulendo Wa Gabriel Kwa Daniel*. Pa Sabata yikwiza, para Fumu yazomerezga, tizamuŵika masabata sevente, uko igho ghali, mu chigaŵa cha nyengo. Ndipo kasi ise tiri mpha? Sono, usange ise tingachisanga waka icho na kuwoneseska ichi, kuŵa chaunenesko, nttheura ise timanyenge ora ilo ise tikukhalamo. Sono, ise timanyenge yayi apo Iyo wafikirenge; kulije munthu wazamkuchimanya icho. Yesu wakumanya yayi ichi, Iyomwene. Iyo wakati Iyo wakumanya yayi. Iyo wakati waka Adada, ŵekha, ŵakachimanya icho. Nanga ndi Ŵangelo ŵakumanya yayi ichi. Palije wa ise wakumanya apo Iyo wafikirenge, kweni ise

tingamanya kuphala a—ora ilo... nyengo iyo ise tikukhalamo, kumanyanga waka umo ise tiliri kufupi.

²⁰ Sono, mwa kuwerezgapo pachoko, chifukwa wanyamata wakupanga matepi gha ichi... Machini ghakulira kumanyuma mu chipinda. Ndipo matepi, nkhumanya, igho ghakutumizgika, kulikose.

²¹ Sono, chisambizgo cha mlenji uwu, pamanyuma pakuti ise tawerezgapo pa chipatulo 4 na 5, pamanyuma ise tikayima a... kuyambira na chipatulo 9 cha Daniel. Ndipo sono, usiku uwu, ise tirutirizgenge na chipatulo 9. Pambere ise tindafike ku ichi, tiyeni tisindamiske waka mitu yithu pa kanyengo ndipo tiyowoye kwa Chata wa Mazgu.

²² Chiuta withu wauchizi, ise tikumanya makora kuti Imwe mukumanya chamkati cha mtima withu. Imwe mukumanya chifukwa icho ise tiliri muno. Ndipo Imwe mukumanya kuti ise ntha tafika usiku uwu chifukwa chakuti waka ise tangughanaghana kuti ghawenje malo ghaweme ghakuti tifikeko, kuti tizakawé na kupumula kuchoko kumuhanya. Wadada, ine nkhusomezga yayi kuti walipo munthu yumoza muno wizira chirato icho. Ine nkhusomezga kuti ise tiri muno usiku uwu chifukwa ise tasimikizga nadi, mwakufikapo, ndipo tikukhumba kuti timumanya NTHEURA WAKUTI YEHVOA.

²³ Ise tikumutemwani Imwe, Fumu, ndipo ise tikughatemwa Mazgu Ghinu. Ndipo usange malo agha agho Imwe mwapereka kwa ise, mtenje waka pachanya pa mutu withu, na vidina ivi vya sementi, ise tikumuwongani Imwe chifukwa cha malo. Pakuti, ise tikugomezga kuti chiriko Chikaya kuseri kwa mtambo, uko ise tikuruta. Ndipo ise tikughanaghana za wasekuru withu wakale awo ntha wakawá na mwaŵi nanga ngati ndi uwu, ndipo ichi chikutipangiska ise kusindamiska mitima yithu mwasoni, Fumu, kuti nanga tikudandaula.

²⁴ Sono, Wadada, ise tikuomba kuti Imwe muvumbulenge kwa ise, usiku uwu, Lemba. Fikani, yendani nase, pafupi na waliyose wa ise, apo ise tiktenda nthowa iyi usiku uwu. Yowoyani kwa ise ngati ndiumo Imwe mukachitira kwa wara wakarutanga ku Emausi, kufuma ku Yerusalem. Mwakuti, para chisopo chamara, usiku uwu, ise tingamanya kuruta ku vikaya withu vyakupambanapambana na kuti, "Kasi mitima yithu yangugolera yayi mkati mwithu apo ise tamuplikanga Iyo wakuyowoya kwizira mu Mazgu Ghake!"

²⁵ Tumbikani kuwazgika. Tumbikani kuyezeska kwane kwakutomboloka, Fumu. Jurani mlomo wane ku icho ntchaunenesko, ndipo jarani uwu ku icho ntchakwanangika. Ndipo tolerani uchindami kwa Mwaŵene, na uchindami mu wantru Winu, mwakuti iwo wángamanya kuwona ora ilo ise tikukhalamo na kuneng'enera kwa Kwiza kwa Fumu Yesu.

Pakuti, ise tikuromba ichi mu Lake—Zina Lake, Zina la Yesu Khristu. Amen.

²⁶ Sono, kuti tiwerezgepo Malemba ghithu pa nyengo zichoko, ise tikusanga kuti Daniel wakaŵa mu umikoli virimika sikisite-eyiti. Ghanaghanani za ichi! Sono, imwe, na pepala linu na phesulo, imwe mwangupulikiska yayi ichi mlenji uwu, panyake mungachipulikiska ichi usiku uwu. Kufuma A.D. 606 kufika 538. Toraniko 538 ku 606, imwe mukusanga virimika sikisite-eyiti Daniel wakaŵa mu... umikoli; kukaŵavye mpingo wakuti nthena wakarutako, kukaŵavye maupharazgi ghakuti wangapulikizga, kukaŵavye chirichose. Kweni iyo wakaŵa na mabuku ghanyake, mipiktu ya vyakulemba, ivyo muprofeti kumanyuma kwake wakachima, ndipo wakaŵa—wakaŵa Yeremiya.

²⁷ Sono, apo wachali mu kusambira Malemba, iyo wakawona kuti nyengo yikamaranga, kuti nyengo ya virimika sevente... Ndipo Daniel mwakufikapo wakagomezga lizgu lirilose ilo Yeremiya muprofeti wakayowoya. Ndipo ine nkuyowoya ku ili, ku gulu lane usiku uwu: Kasi ise tigomezze waprofeti wîthu? [Gulu likuti, “Amen.”—Munozgil] Enya, bwana. Pakuti, Mazgu gha Yehova ghakiza ku waprofeti. Iwo wâli na NTHEURA WAKUTI YEHOVA. Ndipo muprofeti muneneska wazamususka yayi ku a—lizgu la muprofeti munyake. Iwo nthâa wazamupanga Ili kuyowoya chinthu chinyake icho Ili likuyowoya yayi. Iwo wayowoyenge ndendende icho muprofeti muneneska wakayowoya, icho chikuŵapanga iwo muprofeti. Ntheura para iwo watora icho, ndipo pamanyuma iwo wakuyoyerathu icho chizamkwiza, kumanyanga ichi, na wofi mu mtima wawo, mzire iwo wayowoye chinyake chautesi ndipo ichi chimurongozgere munyake ku uheni. Ise tikukhumba yayi kuchita icho. Ise tikukhumba kuti tiŵe wakusimikizga mwakukwanira kuti ise tiri na Mazgu gha Yehova pambere ise tindayowoye NTHEURA WAKUTI YEHOVA. Mukuwona? Ichi chikwenera kuwa chenekocheneko, uthenga wakurunjika kufuma ku Chizumbe cha Chiuta, panji ise tingayowoyanga yayi ichi.

²⁸ Sono, apo wakaŵa wachali mu kusambira Malemba, iyo wakawona kuti virimika sevente vikamaranga. Ntheura, iyo pakuŵa kula virimika sikisite-eyiti, kukakhala virimika viŵiri kunthazi kufikira kuti Chiuta wavezgereske wantru Wake kuwerera ku charu chawo.

Wachali mu kuromba, ise tikusanga kuti kukaŵa Mungelo mukuru wakiza kufuma Kuchanya. Kasi munyake wangachema zina Lake? [Gulu likuti, “Gabriel.”—Munozgil] Gabriel. Ndipo Iyo ndi Mungelo ku mpingo wa Chiyuda. Kasi mbalinga wakumanya icho? Kulikose, ndi Gabriel. Gabriel ndi thenga ku mpingo, mpingo wa Chiyuda; wakiza kwa Mariya; Iyo wakiza kwa Zekariya. Nyengo zose, ndi Gabriel. Ndipo Iyo ndi yumoza wa Wangelo wakuruŵakuru wa Kuchanya. Ndipo kasi Iyo

wakamuyeghera yayi M'bale withu Daniel malonje ghaweme ghantheura kufuma kwa Chiuta! "O, Daniel, watemweka chomene!"

²⁹ Kasi icho chingamupangani imwe kupulika makora yayi, kughanaghana kuti Chiuta wakamutemwani imwe? Usange ine nkhatemweka chomene yayi, ine nkukhukhumba kuti nimanye waka kuti ine ndine wakutemweka pachoko kuchanya Kula, mungatemwa yayi imwe? Nadi. Kuwa ngati waka... Iyo wakughanaghana za ine, kamoza mu kanyengo, ichi chingamanya waka kunipanga waka ine kukhumba kuti nichemerezge, kughanaghana kuti Iyo wakupwererera ine. Ndipo ise tiri nacho chisimikizgo kuti Iyo wakutipwererera ise, chifukwa, "Apo ise tikaŵa wakwananga, Khristu wakafwa m'malo mwa ise," m'bale. Ndipo, sono, cheneicho ise tikaŵa wälendo kwa Chiuta, sono watipanga ise kufupi kufika kwa Chiuta ndipo watipa ise chikhore cha chiponosko chithu, ndiko kuti, Mzimu Mutuwâ. Ndipo na chipulikano mwenemula icho chikutikwezgera ise muchanya kujumpha vinthu vyâ charu, ndipo ise tikwenda kuwenuka pachanya pa ichi. Icho ntchiweme. Ndi ntheura yayi? Viri makora.

³⁰ Wachali mu kuromba, Gabriel wakiza ndipo wakamuphalira iyo kuti kwakhala virimika viŵiri pera yayi pambere iwo wandalwerere ku charu chawo, kweni wakamuphalira iyo ulendo wose wa fuko lira. Ghanaghanani za ichi! Ulendo wose, ulendo wose wa pa charu chapasi, Gabriel wakarongosora ichi kwa Daniel. Wakati Iyo wakatumika kuti wazakamuphalire Daniel chinthu chikuru ichi. Umo muprefeti yura wakapulikira! Ndipo Iyo wakamuphalira iyo kuti kukaŵa masabata sevente ghakamikikira pa wantru, kufika ku kuperanyika; apo mpha nyengo yaumaliro, mwantheura chose ichi chamara, kuperanyika. Iyo wakati, "Pali masabata sevente."

³¹ Wanji wa iwo wakuchitora icho kuti ndi myezi, wanji mazuŵa waka, wanji... Huh! Usange ndi masabata waka, kuli pafupifupi viŵiri na kota wa chirimika, panji chimoza na kota wa chirimika wa ichi. Ndipo, wonani, imwe... Apo ndipo ise tikwenera kuti tisange, kuti tiŵe waneneska.

³² "Masabata sevente ghamikikira pa wantru wako." Pa chakulinga uli? Chifukwa cha vichi? Kasi ivi vikamikikira pa wantru wanjanji? Wantru wa Daniel, Wayuda. Ndipo kasi ichi chikamikikira pa njani? Pa Daniel pera yayi, kweniso pa msomba utuŵa wa Daniel; wonani, msomba utuŵa wa Daniel. Sono, mwawantru, kasi msomba utuŵa wa Daniel ukaŵa vichi? [Gulu likuti, "Yerusalem."—Munozgi] Yerusalem.

³³ Ndipo sono ise titorenge, panyake tifikengeko ku ichi usiku uwu: Kasi Yerusalem wakaŵa nkhu? Ndinjani wakasanga Yerusalem? Kasi imwe mukaghanaghanapo za icho? Ndinjani wakasanga Yerusalem? Kasi uyu wakasangika pauli? Ise

tifikengeko ku ichi, para pajumpha kanyengo. Ndinjani wakasanga Yerusalem? Mnyamata, ndi chinthu chichoko chabisika kumanyuma mu kona, kweni nadi Ili likurongosora ichi. Enya, bwana. Ndinjani wakasanga Yerusalem, ndipo kasi uyu wakasangika pauli? Viri makora. Ndipo uwo ndi msumba utuwa wa Daniel.

³⁴ Ndipo ise tikumanya kuti msumba ula, weneuwo sono wakhala nthembo pa virimika thu sauzandi, uzamkuzengetako na kukhazikiskikaso. Ndipo chisopo cha mu tempile chizamkukhazikiskika ngati ndiumo kukaŵira mu mtendeko. Uwo mbunenesko. Yerusalem wazamkuŵako, sono, ndipo kuzamkuŵa sembe, kuperekanga sembe dazi lirilose ngati ndiumo kukaŵira mu mtendeko. Ise tifikengeko ku vinandi nya icho, ine nkhusachizga, usiku uwu, panji vinandi nya ichi.

³⁵ Sono ine nkukhumbwa kuti imwe mumanye, wâbwezi, kuti, kukhwaskanga pa vinthu ivi, ine nadi nkufumiskako masabata gha kusambizganga. Kweni kuŵa ngati kuchikhwaska waka ichi, mwakuti para mphepo zazizima, panji kanyengo kanyake pachoko, para ise tafika mu vira Viddimidzgo Seveni, Wâdila Seveni, Mbata Seveni, vinthu vyose ivi, ivyo ine ningamanya kumuwareskani na kuti, "Kasi imwe mukukumbukira pa masabata sevente gha Daniel? Kasi imwe mukukumbukira muwiro wa Mpingo, para uwu ukakwera kuchanya, na icho chikachitika?" Ndipo masabata agha sevente gha Daniel ghakuchitika kufumira pa kukwera kwa Mpingo mpaka kwizaso kwa Mpingo. Nyengo yira ndigho igho ghakutora. Sono, sono, ntha masabata ghose gha Daniel; gawo la ichi. "Masabata sevente ghamikikira."

³⁶ Sono, pakaŵa chakulinga chakumasuka m'vigâwa sikisi mu kwiza Kwake, kumuphaliranga iyo icho chizamuchitika. Sono, pakaŵa chakulinga chakumasuka m'vigâwa sikisi cha kwiza Kwake. Sono, usiku uwu, ine nkughanaghana kuti ise tiyambire padera apa mu Malemba za apo ise tanguŵa mlenji uwu, apo pakaŵa chakulinga chakumasuka m'vigâwa sikisi. Ise tiri apa. Sono ise tikusanga kuti pakaŵa chakulinga chakumasuka m'vigâwa sikisi, chimoza cha ichi. Sono tiyeni titore a . . . -chinayi chipatulo, a . . . -lachinayi vesi . . . vesi 24 la chipatulo 9 cha Daniel.

*Ndipo masabata sevente ghamikikira pa wantru
wako . . .*

Sono kumbukirani, ndi chose icho ulendo wa wa Israel uŵenge nacho mu charu chapasi ichi. Iwo wâmikikira. Masabata sevente ghâwamikikira waka. Ndicho chekha chagawâkirikira Wayuda.

. . . pa wantru wako na pa msumba wako utuwa, . . .

Ipo, masabata agha sevente, sono kuphonya yayi ichi, ichi chivumburenge kufuma nyengo yira kufika ku umaliro wa

Wayuda, ndipo kweniso kufika ku umaliro wa Yerusalem, mpaka kuzamkuwa msumba uphya uzamkuzengeka. Sono, o, ine nkugomezga ise tifikengeko ku ichi, makora chomene na mwakuzama usiku uwu.

...ghamikikira pa wantru wako na pa msumba wako
utuwa, ... (Kuchita vichi?) ... kumalizga kujuvya, ...

³⁷ Kasi Iyo wakamuphalira vichi iyo sono? Iyo wakayezgangwa kuti wamanye kasi nyengo yiwenge yitali uli. "Ine nkhumanya kuti tiri ku nyengo yaumaliro." Ngati ndiumo ise tiliri sono, "Fumu..."

³⁸ Kasi mbalinga mu gulu ili, usiku uwu, wakugomezga kuti ise tiri ku nyengo yaumaliro? Yowoyani, "Amen." [Gulu likuti, "Amen."—Munozgil] Namuwongani imwe. Ise tiri ku umaliro. Sono ise tikuyezga kuti timanye, mwa Chiuta, kuti kasi ichi chiwengeko mpaka pauli. Kasi ise tikukhala mu nyengo uli? Ndicho chifukwa ise tikuwerera kumanyuma na kutoranga waprofeti awa, na wanyake ntheura, na kuyezgangwa kuti timanye apo ise tiri.

³⁹ Ndipo icho ndicho Daniel wakachita. Iyo wakarazga chisko chake kwa Chiuta. Kasi mbalinga wanguwazga Daniel 9 muhanyauno? Kwezgani muchanya mawoko ghu. Viri makora. Imwe mukuwona lurombo lake, umo iyo wakapangira kuzomerezga kwake kwa wantru wake, na kuzomerezga kwa iyomwene. Iyo wakakhumbanga kuti wapanikizge nkhanira kuti iyo wamanye apo iwo wakwenera kuti wawererenge, chifukwa iyo wakakhumbanga kuti wapange wantru wanrozgekere kuwerera.

Sono, icho ine nkuyezga kuchita, ntchakuti nimanye apo ise tirutirenge kuchanya, na kupanga wantru wanrozgekere kuruta kuchanya, awo wakawa wakunozgeka. Ndipo ise tarazga chisko chithu kwa Chiuta, kwizira mu malurombo na maweyerero, kuti timanye, "Fumu, kasi ndi ora uli ilo ise tikukhalamo?"

⁴⁰ Ise tawona vinthu vyose ivi vyakupambanapambana vikuchitika; ise tikuwona charu chiri mu chitimaheti. Ise tikuwona nyengo yaneng'enera. Cha-...chakulembeka chiri pa chiliwa, chirichose icho Chiuta wakayowoya. Ise tikupulika Prezidenti withu wakuyowoya za nkhondo yinyake, yikwiza sono nthena. Ise tikupulika kuroskena, "Mkatikati, o, mkatikati mwa maora ghachoko para nkhondo yamara, kwaroskerekwa kuti mafuko ghazamkuwa chinyake yayi kweni fuvu la nthukunyira yakotcha." Ndipo ise tikumanya ise tachisanga ichi.

Ntheura ise tikumanya, pambere icho chindachitike, Mpingo ukwenera kuti urute. Ntheura, "Fumu, kasi ise tiri mpha?" Ndicho chifukwa ine nkugomezga kuti Iyo watizomerezgenge ise kuti timanye. Ise tarazga visko vithu kuti timanye. Sono, chakudanga, tiyeni tiwone.

Masabata sevente ghamikikira pa wantru wako... msumba wako utuwa, kumalizga kujuvya, ... kupanga umaliro wa kwananga, na kupanga chakupepeskera uchikana marango, ... kwiziska urunji wamuyirayira, ... kuditimizga mboniwoni na uchimi, na kuphakazga Utuwa chomene.

⁴¹ Chira chikaŵa chakulinga chakumasuka m'vigâwa sikisi cha kwiza kwa Gabriel.

⁴² Sono tiyeni tiyambeko, nambala wanu. Usange imwe mukukhumba kuti mulembe ichi, imwe mwaŵeneimwe muli na maphesulo. Nambala wanu, "Kumalizga kujuvya," icho ndi chinthu chakudanga. Sono, kumalizga kujuvya kwa Israel, uyo wakanangira Chiuta, kuzamkuŵa kung'anamukako ku kwananga kwa Jacob.

Sono, kuti tisange ichi, tiyeni tijure ku Waroma. Chipatulo 11 cha Waroma, ndipo tiyambire na vesi 21 la Waroma 11. Sono ise tikuruta ku vichi? "Kumalizga majuvyo." Waroma 11:21. Viri makora.

Pakuti usange Chiuta wakaulekerera yayi munthavi wachilengedwe, ... (Cheneicho wakaŵa njani? Israel.) ... chenjerani mzire ... namweso waleke kumulekererani.

Sono, ine nkukhumba imwe, para imwe mwaruta kunyumba, mukâwazge chipatulo chose ichi cha 11. Ine nkhuŵazga ichi mwakuti... Lembani chipatulo chose cha 11, ndipo mukâwazge ichi.

...waleke kumulekererani imwe.

Ipo wonani uweme... ukali wa Chiuta: pa iwo weneawo ūkawa, ... kweni kwa imwe, uweme, usange imwe mukurutirira mu uweme: munthowa yinyake imwe... muzamkudumulikako, kweniso kudumulikako.

Ndipo iwo nawoso, usange iwo ūkukhaliriramo yayi kufi... usange iwo ūkukhalirira yayi mu kuwura kugomezga, ūzamkubamphikika mwenemula: pakuti Chiuta ngwamagomezgeko kuwabamphikamo iwo kamozaso.

Wonani, kuyowoyanga kuti yizamkuŵako nyengo apo Wamitundu wazamkudumulikako, ndipo Israel wazamkunjira kamozaso.

Pakuti usange imwe mukadumulikako ku a-ku khuni la olive ilo ndakuthengere mu chilengedwe (Wamitundu), ndipo mukabamphikika mwakupambana na chilengedwe...

Ise tikaŵa ūkulekana na chilengedwe, ūlendô, ūambula lusungu, ūambula Chiuta, ūambula chigomezgo chirichose.

Ndipo Chiuta, mwa lusungu Lwake, kuti watipe ise mwâwi, wakadumulako Israel murunji chifukwa cha majuvyo, ndipo wakaŵasezgera iwo kumphepete, lapathe-...khuni la olive lakuchita kupanda, ndipo wakaŵikamo khuni la kuthengere la olive, lakulekana na chilengedwe.

*...kufika ku liwem...khuni: kasi kuzamkuŵa
pakulu uli âwa, weneawo ndi minthavi ya chilengedwe,
wazamkubamphikika mu khuni lawo la olive?*

Viri makora, tiyeni tirutirizge kuŵazga.

*Pakuti ine nikhumbenge yayi, wabale, kuti muŵe
îwalemwa ku chamchindindi ichi, mzire muŵe û
vinjeru mu kujipusika kwinu; kuti uchiburumutira mu
kachigâwa uko kukachitika kwa Israel, kukuchitika ku
Israel, mpaka uzari wa Wamitundu...ufike.*

⁴³ Kufikira kuti Chiuta wamalana nawo Wamitundu, Israel wakaburumutizgika. Iwo wakapurukira mu kwananga na kufika pa kumunangira Chiuta, chifukwa Chiuta wakaburumutizga maso ghawo, mwakuti se tingamanya kubamphikikamo. Imwe mukupulikiska ichi? Vesi 26 sono:

<i>Ndipo mwantheura</i>	<i>Israel</i>	<i>yose</i>
<i>wazamkuponoskeka:...</i>		

⁴⁴ Chiuta wakaŵaburumutizga pa chakulinga chifukwa cha imwe na ine. Iwo wângalaŵiska yayi, chifukwa Chiuta wakaŵaburumutizga. Ndipo Israel yose, Israel mweneko, wazamkuponoskeka. Kasi Mungelo wakayowoya vichi? Uchindami! "Kumalizga kujuvya kwa Israel! Ine nafika kuzakakuphalira iwe kuti yizamkwiza nyengo apo kujuvya kwa Israel kuzamkumara." Chiuta wazamudumulako munthavi wakuthengere ula, na kubamphikamo mwenemula, kuwezgeramo, munthavi weneko ula kamozaso.

⁴⁵ O, nyengo zinyake chikupangiska mtima wane kuduka, kuwona wakavu wara, wantru wachitima wakadumulikako kuruta kutali, kwambula kumanya uko iwo wakarutanga; na kughanaghana kuti Chiuta, mu lusungu Lwake, wakachita chira mwakuti ine ningamanya kuponoskeka. Wakaburumutizga maso ghawo kwa Mesiya wawo, wakajara makutu ghawo mwakuti iwo waleke kumupulika Iyo; kweni, wakayiwona nkhanira minthondwe Yake, ndipo wakayiwona nkhanira minthondwe Yake na vinthu ivyo Iyo wakachitanga.

⁴⁶ Mateyu, ine nhugomezga, chipatulo 12, panji 8 panji chipatulo 12, wakati, "Nangauli Yesu wakachita minthondwe yinandi chomene, kweni iwo wakagomezga yayi." Chifukwa, Chiuta wakati, "Iwo wali na maso ndipo wakulâwiska yayi, na makutu ndipo wakupulika yayi; mzire iwo wawone na maso ghawo na kupulika na makutu ghawo, ndipo ine ningamanya kuŵaphenduska iwo." Kweni, mwakuti ise tingamanya kuwa na mwâwi, Iyo wakakhizgira chakutchinga pasi kubenekerera

maso gha wana Wake Yekha, wakafumiskapo wana Wake Yekha pa thebulo, ndipo wakaŵarutiska iwo ku kughanda mu Mzimu, mwakuti Iyo wangasanga...mwakuti ise tingamanya kuŵa na mwaŵi wa kukhala ūamoyo, kutipa ise Umoyo. Vesi 26, kamozaso.

*Ndipo mwantheura Israel yose wazamkuponoskeka:
ngati ndiumo kuli kulembekera, Kuzamkwiza
Muwomboli kufuma ku Zion, ndipo wazamufumiskapo
kwananga pa Jacob:*

⁴⁷ Enya, Iyo wazamkwiza ku Phiri la Zion, limoza la madazi agha. Pa Phiri la Maolive, iwo ūazakumumanya Iyo, ndipo Israel yose wazamumanya kuti ndi Iyo. Wamitundu ūazamkuŵa kuti ūamara pa nyengo yira. Munthavi ula uwo wabamphikikamo, Chiuta wazamutora kufuma ku uwu chipaso icho chakoloreka. Ndipo munthavi wakuthengere ula uzamkuŵa...

⁴⁸ Ndipo sono kumbukirani, kumanyuma uku apo imwe mwaŵazganga, Iyo wakati, “Usange misisi yira yikawa yituŵa, ndipo misisi yikawa Msisi utuŵa, nachoso chipaso icho chikupangika kufuma ku Msisi utuŵa ula chipambikenge chipaso chituŵa.” Ndipo usange Msisi ula wakaŵa Yesu Khristu, Uyo ndi vyose viwiri Msisi na Mphukira ya David; usange Umoyo uwo ukawa mwa Iyo, ukendera mu mphapu ya Chiyuda ndipo ukadumulikako kwa iwo, ndipo maso ghawo ghakaburumutizgika mwakuti ise tingamanya kuwona, maumoyo ghithu ghakwenera kuti ghakozgane na Munthavi ula wakutumbikika. O, enya, m’bale. Uwo mbunenesko.

⁴⁹ Chiuta wakaŵadumulako iwo, pa chakulinga, ndipo wakaburumutizga maso ghawo mwakuti ise tingamanya kuŵa na mwaŵi wakuti tiwone, kutipa ise mwaŵi. Ndipo ise tikwenda ngati kuti ndise munyake. Paulos wakuŵaphalira iwo apa, “Jichenjerereni, umo imwe mukuchitira icho. Jichenjerereni! Pakuti usange Chiuta wakaulekerera yayi munthavi wachilengedwe, kasi Iyo wâwenge uli na lusungu pa munthavi wakuthengere uwo uli kale...”

Mwantheura ise tikwendakwenda, tikuti, “Ine ndine wa Prezibetere! Ine ndine wa Methodist! Ine ndine wa Baptist! Ine ndine wa Pentekosite!” Icho chikung’anamula kalikose yayi kwa Chiuta. Imwe mukwenera kuti mubabikeso na Mzimu Mutuŵa uwo ukwiza kufuma ku Msisi. Kweni Iyo wakwiza...

⁵⁰ Sono, kumbukirani, Iyo wakuyowoya za Wamitundu yayi. Ine nkhuponyamo waka ichi umu mwakuti imwe muwone apo Wamitundu ūakuŵira na mwaŵi wawo.

⁵¹ Kweni, Iyo wakwiza “kumalizga kujuvya,” kupanga umaliro wa ichi. Sono, usange ise tingawerera mwa Daniel kamozaso, ndipo ise tisangenge kuti mwa Daniel, ise tikuwona apa, vesi 24. Viri makora. “Kumalizga kujuvya.” Kumalizga vichi? Kumalizga kujuvya kwa Israel.

Kasi *kujuvya* ndi vichi? Ndi kuchita mwakwanangira chinyake. Kuninangira ine, ndi kunichitira chiheni ine. Kukunangira iwe, ndi kuchita chiheni kwa iwe.

Mwantheura, Israel wakachita chiheni kwa Chiuta. Ndipo mu sabata iyi ya nambala sevente, kasi muchitikenge vichi? Chiuta wamalizgenge kujuvya kwa Israel. "Kumalizga kujuvya," kuwenge, "kufumiskapo kwananga kwa Jacob." Ndipo pamanyuma Israel yose wazamkubabikaso. Wose wazamkupokera Mzimu Mutuwa.

Sono, nambala thu, lembani icho pa pepala linu.

⁵² Ise tingamanya kukhala nyengo yitali pa icho, kweni ine nkukhumbwa yayi kwamba kupharazga pa ichi. Nkhukhumbwa waka kuti ndiyowoye kwa imwe, mwakuti imwe mungamanya kuchipulikiska makora ichi. Para ise tafika mu Vididimizgo Seveni ivi, ntheura imwe muzamuruta nkhanira ku Mpingo, mu Vididimizgo, mu Vilengo, na kumanya apo ise tayimilira. Viri makora.

⁵³ Nambala thu, "Kupanga umaliro wa zakwananga." Sono tiyeni tiwazgeso, Daniel.

...*kumalizga...kujuvya, na-na kupanga umaliro wa zakwananga...*

Icho ndi chakulinga Chake chachiwiri cha kwiza. Chakudanga, ndikokuti kumalizga kujuvya kwa Israel; na kupanga umaliro wa zakwananga. Kasi Israel wakanangira nkhu? Kasi iwo wakachitira nkhu kwananga kwawo kukuru? Kasi iwo wakajipatula iwoékha nkhu kufuma kwa Chiuta?

⁵⁴ Sono tegherezgani mwatcheru. Tiyeni tijure ku Mateyu Mutuwa 24. Ndipo apa ndipo Israel wakapangira kunangiska kwakunyifwa. Apa ndipo iyo wakachitira kwananga kwake kwaumaliro, na chifukwa icho iyo wali mu kaŵiro aka muhanyauno. Mateyu, chipatulo 27 cha Ivangeli la Mateyu Mutuwa, ndipo vesi 25 la chipatulo 27. Tiyeni tiyambire pakunjia—vesi 21.

Kazembe wakazgora ndipo wakati kwa iwo, Kasi pa waŵiri imwe mukukhumba kuti ine nimusutulireni njani? Ndipo iwo wakati, Baraba.

Sono kumbukirani, uyo ndi Israel. "Baraba!"

Pilato wakati kwa iwo, Kasi ine nichite vichi...na Yesu uyo wakuchemeka Khristu? (Tegherezgani kwa iwo!) Iwo wose wakati kwa iyo, Rekani iyo wapayikike.

Kumbukirani, yura ndi Mesiya wawo uyo Daniel wakayowoya kuti wazamkwiza. Kumbukirani mlenji uwu, mu chisambizgo muno, "Iyo wazamkudumulikako, chifukwa cha Iyomwene yayi," palije chirichose Iyo wakachita.

...*Rekani iyo wapayikike.*

Ndipo kazembe wakati, Chifukwa, kasi iyo wachita chiheni uli? Kweni iwo wakachemerezga chomene, kuti, Rekani iyo wapayikike.

Pamanyuma Pilato wakawona kuti iyo wakatondeka kutondeska chirichose, kweni... mphanyiko chiwawa chikachitika, ndipo iyo wakatora maji, ndipo wakageza mawoko ghake panthazi pa mzinda, kuti, ine nirije mlandu wa ndopa za munthu murunji uyu: wonani... ku ichi.

⁵⁵ Tegherezgani! Apa pali kunangiska kwavo. Apa pali kwananga kwavo.

Ntheura wakazgora... wantru, ndipo wakati, Ndopa zake ziwe pa ise, na pa wana withu.

⁵⁶ Apo ndipo iwo wakachitira ichi. Iyo wakawapangiranga umaliro wa kwananga. Kasi Iyo nthena wakachita uli chinyake chirichose kweni kuwagowokera iwo, kumanyanga kuti Iyo wakenera kuburumutizga maso ghawo, mwakuti ise tingamanya kunjiramo? Chiri ngati wana Wake Yekha kukhumbanga Ndopa Zake. Ndipo iwo wakaburumutizgika, ndipo Iyo wakamanya kuti wakaburumutizgika. Ndicho chifukwa Iyo wakalirira chigowokero cha iwo. “Wagowokereni iwo, Wadada, pakuti iwo wakumanya yayi icho iwo wakuchita.” Iwo wakaburumutizgika. Pa chifukwa cha ise iwo wakaburumutizgika. Mu kuwura kugomezga kwavo iwo wakachita ichi. Kweni para iwo wakumuwonaso Iyo... Amen!

⁵⁷ “Kuwikapo umaliro wa kwananga.” Kasi kwananga ndi vichi? Kuwura kugomezga. Iwo wakagomezga yayi kuti yura wakawa Mesiya. Iwo wakatondeka kumuwona Iyo kuti ndi Mesiya, kweni Iyo wakachita chimanyikwiyo chirichose Mesiya wakenera kuti wachite. Kweni iwo wakatondeka kuchiwona ichi. Iwo wakaburumutizgika.

⁵⁸ Ntheura para imwe mukuwona wantru wakuti, “Ine nkhuwogomezga yayi mu machirisko Ghauzimu. Ine nkuchiwona yayi ichi. Ine nkhuwuwona yayi ubapatizo uwu wa Mzimu Mutuwa.” Kuwakwiyira yayi iwo; iwo mbachiburumutira. Iwo wakuti, “Ine nkhuwuwona yayi Uthenga uwu wa Kwiza Kwake. Ine nkhuwuwona yayi ubapatizo uwu wa Mzimu Mutuwa. Ine nkhuwiwona yayi mbewu ya serepente. Ine nkhuwiwona yayi vinthu ivi.” Iwo mbachiburumutira, ndipo wakumanya yayi ichi. Muwaromberenge waka iwo. Viri makora.

⁵⁹ Mu kuwura kugomezga kwavo; kweni, para iwo wamuwona Iyo, para Iyo wakwizaso, ichi chizamupanga umaliro wa kuwura kugomezga kwavo. O, mwe! Tiyen'i chakudanga tijure waka ku Genesis 25, chipatulo 45, ndipo titore a—chakwimilira cha ichi. Ine nalemba vinyake apa, vya Genesis 45, imwe mwaŵeneimwe mukulemba manotisi. O, umo ine nkhlitemwera Ivangeli liweme lakale ili! Viri makora. Sono ise tikumanya apo ise tiri.

Kasi imwe mukunipulika makora ine, kumanyuma kwa nyumba? Kwezga muchanya woko lako usange iwe ukunipulika ine. Ine chanikhala kufupi chomene pachoko ichi.

⁶⁰ Sono ise tiwazgenge gawo la Lemba ili. Ine nkukhumbwa kuti imwe mutegherezge, imwe mwaweneimwe mulije Baibolo linu. Imwe mwaweneimwe muli na Baibolo linu, ndi Genesis. Chakudanga, tiyeni tiyambire mu chipatulo 44, kuyambira na vesi 27.

⁶¹ Ndi Joseph, ndipo Joseph wakaŵa chithuzithuzi cheneko cha Khristu. Ise tikumanya icho. Kasi mbalinga wakumanya icho? Wakatinkhika na wabale ūake. Chifukwa? Chifukwa iyo wakaŵa wauzimu, iyo wakawona mboniwoni, wakatanthauzira maloto. Iyo wakaŵa munthu wauzimu pakati pa wabale ūake, ndipo iwo wakamutinkha iyo. Ndipo dada wake wakamutemwa iyo.

Ntheura Yesu wakatinkhika na mipingo ya mabungwe, kwensi wakatemweka na Dada Wake Chiuta. Ntchifukwa uli iwo wakamutinkha Iyo? Chifukwa Iyo wakaŵa wauzimu. Chifukwa... Iwo wakayowoya, iwo wakati Iyo wakaŵa muwukwi, chiwanda.

⁶² Imwe mukukumbukira icho wabale ū Joseph wakayowoya kwa iyo? "Apa wakwiza wamaloto yura." Mukuwona? Wonani, chinthu chenechira. Ndipo iwo wakamuguriska Joseph pafupifupi mtengo weneula Yudasi wakaguriskira Yesu, makopala sate gha siliva. Wakamuponya iyo mu chibuwu, ndipo wakaruta ndipo wakamuphalira wiske kuti chinyake chamukoma iyo, iyo wafwa. Kweni iyo wakafumiskikamo mu chibuwu. Khristu wakaponyeka mu chibuwu, ndipo wakatorekera kuchanya. Ndipo kufuma kula iyo wakaruta ku malo ghapachanya chomene agho ghakawako pa charu chapasi. Amen! Joseph wakaruta ku woko lamaryero la Faro; ndipo Yesu wakaruta ku woko lamaryero la Chiuta. Mu kuyezgeka kwake, pambere kundachitike kukwezgeka kwake... Yesu, pambere Iyo wakaŵa wandakwezgeke, wakendera mu kuyezgeka.

⁶³ Chifukwa, ine nkugomezga wakaŵa Billy Sunday, muneni mukuru, wakati, "Lirilose—khuni lirilose likaŵa na Wangelo miliyonî wakakhala mwenemula, dazi lira la kupayikika, wakati, 'Nyroska waka woko Lako ndipo rongora kwa ise. Ise tisinthenge chakuchitika ichi chatizingilira apa.'" Kweni Iyo wakachita yayi ichi.

⁶⁴ Kayafa wakati, "Iyo wakajiponoska iyomwene; wanyake wakutondeka kuwaponoska." Iyo wakamanya yayi wakaperekanga ndemanga. Usange Iyo wakajiponoskenge Iyomwene, Iyo mbwenu waponoskenge yayi wanyake. Ntheura, Iyo wakajipereka Iyomwene, kuti waponoske wanyake. Wonani, wachiburumutira chomene ku ichi. Sono iwo...

⁶⁵ Ntheura para iyo wakawâ kula mu kukwezgeka kwake, panji, pambere kundachitike kukwezgeka kwake, kuyezgeka kwake...Kumbukirani, Joseph wakawîkika mu ndende chifukwa iyo wakawâ murunji.

⁶⁶ Wachiroma, panji, msirkali mulara wa Israel, wakuthyika zina lakuti Potifara; Potifara wakaruta, ndipo wakaruta pa ulendo. Iyo wakawâ na muwoli wakutowa, ndipo muwoli wakachema Joseph kuti wanjire mu nyumba kuti wachite chinthu chinyake, ndipo iyo wakayezga kumukora Joseph kuti wachite chinyake chiheni. Ndipo iyo wakawâ wakugomezgeka kwa Chiuta. Ine nkhumuphalirani imwe, iwo nyengo zose...

⁶⁷ Imwe mwaŵanakazi, ine ndiri kumuhabukirani imwe; sono ine nipereke chilimbikisko pa imwe, miniti pera. Mukuwona? Mwanakazi ndi chiŵiya chakutomboloka. Ine nkhumanya wangâwako yayi mwanarumi muheni pambere wandaŵeko mwanakazi muheni. Kweni ânarumi awo âkuchimanya icho, ânarumi awo âkumanya kuti iwe ndiwe mwana wa Chiuta, ndipo âkusangirapo mwaŵi pa mwanakazi, soni kwa imwe; palije kanthu kwali iyo wakuchita vichi. Iyo ntchiŵiya chakutomboloka, ndipo imwe mukumanya icho. Usange iyo waruta kuwaro, kuchita ngati dona wambula nkharo, mukore pa woko iyo ndipo umuyowoyiske ngati mlongosi. Iwe ndiwe mwana mwanarumi wa Chiuta. Kuwachitira vinthu viheni yayi. Muwoneni Joseph, iyo wakawâ chiyezgerero kwa imwe.

⁶⁸ Ndipo para muwoli wa Potifara, mwanakazi wakutowa uyu, wakuchindikika, wapachanya chomene, yumoza wa ânakazi âpachanya chomene awo wakawâ mu charu, wakamupempha iyo ndipo wakamukoserezga iyo. Ndipo iyo wakang'anamuka, ndipo iyo wakamukora iyo ndipo wakayezga kumuhabira kwa iyo. Ndipo iyo wakaphuphunyuka mpaka iyo wakavura chikhotti chake, ndipo wakamuchimbira iyo. Enya, bwana. Ndipo para iyo wakati wafika, iwo âkamuyowoyerera utesi iyo, âkati iyo wakiza kuti wamukolerere iyo, ndipo iyo wakaleka chake... ndipo iyo wakasida chikhotti chake kula. Ndipo pa chifukwa icho iyo wakaruta ku ndende. Kweni, mu ndende, Chiuta wakawâ nayo, palije kanthu kwali iwo âkamuŵikankhu iyo.

⁶⁹ Iyo wakawâ chithuzithuzi cha Mwana wa chitukuko. Chirichose Joseph wakachita chikatukuka. Ndipo para Yesu wakwiza mu Mileniyamu, ndicho chifukwa vipalamba vizamutowa ngati luŵa. Chirichose Iyo wakuchita chizamutukuka. Iyo ndi Mwana wa chitukuko. Kulikose imwe mukamuŵika Joseph, kukaŵa kwakutumbikika. Kulikose uko Yesu wali, nkhwakutumbikika. Ntheura, muŵikeni Iyo mu mtima winu ndipo mutumbikikenge.

⁷⁰ Mwantheura ise tikusanga sono, kuti, Joseph pamanyuma wakawîkika mu ndende. Ndipo mu ndende mukaŵa ânarumi âwâiri; yumoza wa iwo wakawâ wakutayika, ndipo yumoza

wakâwa wakuponoskeka. Yesu, mu kuyezgeka Kwake pa mphinjika, munkhungu yumoza wakâwa wakutayika ndipo munyake wakâwa wakuponoskeka.

⁷¹ Para Iyo wakati wakwezgeka, Iyo wakaruta ku woko lamaryero la Chiuta. Para Joseph wakati wakwezgeka, iyo wakaruta ku woko lamaryero la Faro, ndipo kukaŵavye munthu wakamanya kuyowoya kwa Faro kwambula kuti wayowoya danga kwa Joseph na kupokera chilorezo.

Ndipo para Joseph wakati wafumako ku nyumba yaufumu....O, mwe! Para Joseph wakati wafumako ku nyumba yaufumu, mbata zikalira, ndipo ânarumi âkadangira panthazi pake, kuyowoyanga, “Gwadani khongono pasi! Joseph wakwiza!” Amen!

Ndipo para Yesu wakufumako ku woko lamaryero la Chikurukuru kuchanya, mbata zizamulira. Ndipo khongono lirilose lizamugwada, ndipo lilime lirilose lizamuzomerezga, “Yesu Wakwiza!” Nadi! Kweni usange...

⁷² Ndipo, kumbukirani, para iyo wakati wakanika na âbale âwake, kasi iyo wakachita vichi? Iyo wakatora mwanakazi Wamitundu; wakatora mwanakazi wa ku Egupto. Para Yesu wakati wadumulikako ku âbale âWake kula, Wayuda, Iyo wakatora Mkwatibwi Wamitundu. Kweni sono, pakati pajumphâ virimika, para âwana âwakati âbabika, Efrayimu na Manase, iyo wakâwa na banja.

⁷³ Ntheura, dazi limoza, âbale âwake âwakiza kuzakamuchezgera iyo. Wonani. Ise tikuyimanya nkhanî, umo iyo wakâwikiramo kanthu kachoko mula, kuâtuma kuti âwawerenge. Ndipo wakachita ngati kuti iyo wakatondekanga nanga nkuyowoya chiyowoyerô chawo; wakâwa na wakutanthauzira, wa Chihebere, apo iyo wakâwa Muhebere iyomwene. Ndipo m'bale wawo wakâwa kuti wasintha. Iwo âwakumanya yayi iyo. Iyo wakâwa kalonga mukuru.

Ndipo sono nthena, Khristu wakuchezgera Wayuda, wakuchizga âwarwari âwawo na vinthu, ndipo iwo âwakumanya ndithu yayi Icho Iyo wali, Mesiya yura.

Tiyeni tiyambire pa vesi 27 la chipatulo 44.

Ndipo mutêweti winu dada wane wakayowoya kwa ise, Imwe mukumanya kuti muwoli wane wakanibabira ine—muwoli wane wakanibabira ine âwana ânarumi âwâiri:

Ndipo yumoza wa iwo wakafumako kwa ine,...

Yura wakâwa Joseph, mweneyura iwo âwakamuyowoyeskanga.

...ndipo ine nkhati, Nadi iyo watwazurika mu vîpitika; ndipo ine nkhamuwona yayi iyo kufuma kale:

Ndipo usange imwe mutorengeso uyu kwa ine, ndipo soka limuwire iyo, imwe muzamukhizgira pasi sisi lane lanyivwi na chitima kuruta ku dindi.

⁷⁴ Iwo wakawá na Benjamin muchoko kusika kula, munung'una wake muchoko. Imwe mukumanya icho Benjamin wakwimilira? Gulu liphya ili la wéneko, Wayuda wéneko awo wakuwungana kula sono kuti wapange handiredi na foteforu sauzandi, uwu—mtundu uwu uwo ukuwonekera. Ntha makhruku agha gha mu Wall Street, yayi, yayi; awo ndi chakurya cha kasinja. Iwo Mbayuda yayi. Iwo Mbayuda yayi. Wayuda wéneko ndi wa Benjamin wachokowachoko áwa awo wakuwonekera kufuma pasi uku, ndipo ntha wali kupulikapo nanga ndi Mazgu gha Yesu Khristu.

Ipo sono zanine kwa ine...na dada winu...na dada wane, ndipo mwana kuti waleke kuwa nase; kuwonanga kuti umoyo wake ngwakudemerera mu umoyo wa mwana;

⁷⁵ Umoyo wa Chiuta Yekha wademererana na Israel. Iyo watorana na iyo. Ise tifikengeko ku icho mu maminiti ghachoko, usange Fumu yazomerezga. Iyo watorana na Israel. Umoyo Wake wademerera kwa iyo. Ngati ndiumo ine ndiri wakudemerera kwa Mrs. Branham kumanyuma uko, muwoli wane, ndipo imwe ndimwe wakudemerera kwa muwoli winu. Umoyo winu ngwakuvungirizgika mu ichi. Ndipo Chiuta wali kutora Israel. Ndipo kasi chikawa chivichi? Jacob wakati, "Umoyo wane ngwakuvungirizgika na kudemerera mu mwana uyu. Ine ndiza..."

Ndipo kuzamkuchitika, kuti para iyo wakuwona kuti mwana wali na ise yayi,...

Joseph wakati wamusungenge mwana, imwe mukumanya. Ise tikuyimanya nkhaní.

...ndipo kuti iyo wafwe, dada wake: ndipo wateweti winu wazamukhizgira pasi sisi lanyivwi la muteweti winu dada withu na chitima ku dindi.

Tegherezgani ku kuweya kula uko Ruben wakuyowoya sono.

Pakuti muteweti winu waŵenge chikhole kuti mwana wawererenge ku kwinu...kuruta kwa dada wane, kuti, Usange ine nizenge nayo yayi...kwiza nayo yayi kwa imwe, mbwenu ine nizomerenge mlandu kwa dada wane muyirayira.

Ipo sono, ine nkhumuŵeyani imwe, zomerezgani muteweti winu wakhale m'malo mwa mwana...

O, mwe! Wonani, iyo wayimilira nkhanira panthazi pa Joseph, mukuru wake. Uyu ndi Joseph, ndipo iyo wakumumanya yayi iyo. O, lindizgani mpaka Mileniyamu yura wayambe, m'bale!

...sono *m'malo mwa mwana kuwa muzga kwa fumu yane*; ...

Tegherezgani kwa iyo, kumuzunuranga iyo, "fumu."

...*ndipo rekani mwana warute pamoza na wabale wake*.

Pakuti kasi ine nirutenge uli kwa adada wane, ndipo mwana kuti wali na ine yayi? mzire pakunji ine niwone chiheni icho chingazakawira pa adada wane.

⁷⁶ Kuwéyanga, kuperekanga umoyo wake yekha! Umo Wayuda wára Wazamuyimilira kula na mawoko ghawo muchanya! Wonani. Wonani sono la 45, vesi... Tegherezgani mwatcheru, kuphonya yayi ichi. "Para Joseph wakamanya..."

Ntheura Joseph nthia wakamanya...-jikora iyo—kujikora iyomwene panthazi pa wose awo wakimilira pamoza na iyo;...

M'bale, apo ndipo kwananga kuzamufika pa umaliro. Kuwura kugomeza kuzamkumara.

...*ndipo iyo wakachemerezga, ndipo wakapangiska munthu waliyose kuti wafume... kufumako kwa ine. Ndipo kula kukayimilira munthu waliyose yayi na iyo, apo Joseph wakajivumbula iyomwene ku wabale wake.*

⁷⁷ Kasi ichi ntchichi? Nanga ndi muwoli wake yekha wakaruta kuwerera ku nyumba yaufumu. O, mwe! Mkwatibwi mu Uchindami, apo Yesu wakwizaso (Ise tifikengemo mu ichi apa.) kuti wajivumbule Iyomwene.

Ndipo iyo wakalira mwakukwezga:...

Joseph wakatondeka kurutirira kujikora, ndipo iyo wakachemerezga.

...*ndipo wa Egupto na nyumba ya Faro wakapulika ichi.*

⁷⁸ Kutali kuseri nkhanira mu nyumba yaufumu, iwo wakamupulika Joseph wakuchemerezga. Sono, chira chikawa chithuzithuzi cha Khristu kukumananga na Wayuda, kuti, Iyo wakumanya kuti Iyo wakaŵaburumutizga iwo mwakuti ise tingamanya kuwa na mwaŵi. Kwени para Iyo wakwizaso kwa iwo, kwananga kwa Israel kuzamkumara.

Ndipo Joseph wakayowoya ku wabale wake, ine ndine Joseph;...

Kasi imwe mukughanaghana kuti Yesu wazamuyowoya vichi? "Ine ndine Mesiya winu. Ine ndine Uyo imwe mukapayika."

...*kasi dada wane wachali wamoyo? Ndipo wabale wake wakamuzgora yayi iyo; pakuti iwo wakasuzgika na kuwapo kwake.*

⁷⁹ O, ine nkhwenera kuti nilekezgere apa miniti pera. Tiyen i tijure ku Zekariya chipatulo 12. Jurani pamoza nane sono ku Buku la Zekariya, chipatulo 12 cha Zekariya. Ndipo panyake ine nkhutora nyengo yitali chomene mu kwamba kupharazga pa ichi, kweni ine—ine nkugomezga nkhuchita yayi. Ndipo ine—ine nkhukhumba kuti imwe mupulikiske ichi, chomene.

⁸⁰ Zekariya, tiyeni tijure chipatulo 12 cha Zekariya, ndipo tiwone icho Iyo wayowoyenge sono para Iyo wayimilira panthazi pa wana Wake. Zekariya 12, ndipo la 10. “Kupanga umaliro wa kwananga,” sono. Viri makora, chipatulo 12 ndipo vesi 10.

⁸¹ Wonani. Ndipo sono iyo wakuyowoya apa za wakukhalira; kuzingirizgika kwa Yerusalem; chikoko na wankhondo watoreka, na vinyake ntheura; vinthu vyose vyafika ku umaliro sono; iyi ndi pafupifupi kufupi ku Mileniyamu, kunozgekera kuti Mileniyamu wayambike sono nthena.

Ndipo ine ndizamkupungulira pa nyumba ya David, na pa awo wakukhala mu Yerusalem, mzimu wa (vichi?) uchizi...

Amen! Uchizi wakuziziswa!

...pa nyumba...wakukhala mu Yerusalem, (wa Daniel “msumba utuwa”), mzimu wa uchizi na maweyerero: ndipo iwo wazamkunilawiska ine mweneuyo iwo wakamuvotora, ndipo iwo wazakumutengera iyo, ngati ndi mweneuyo wakutengerera mwana wake yekha, ndipo wazamkuwa mu vyakuwinya chifukwa cha iyo, ngati ndi mweneuyo wali mu vyakuwinya chifukwa cha wakudanga kubabika wake.

⁸² Tegherezgani, chizamkuwa chitengero uli icho chizamkuwako para Iyo wayimilira kula, kujivumbula Ijomwene kwa iwo, ngati ndiumo Joseph wakachitira! Tegherezgani.

Ndipo mu dazi lira muzamkuwa chitengero chikuru chantheura mu Yerusalem, ngati chitengero cha Hadad-...

Ine nkhutondeka kuliwowoya zina lira, H-a-d-a-d-r-i-m- -o-...

...Hadadrimmon mu...Megiddon—Megiddon.

Ndipo mu charu muzamkuwa kutengera, banja lirilose palekha; banja la nyumba ya David palekha, ndipo wawoli wawo pahekha; ndipo banja la nyumba ya Nathan palekha, ndipo mabanja ghawo paghekha;

Nyu...nyumba ya Levi...na wawoli wawo na mabanja paghekha;...ndipo Simeon na wawo pahekha;

Ndipo mabanja ghose agho ghakhalapo, banja lirilose...na wawoli wawo pawekha.

⁸³ Iwo wazamuchita soni chomene iwoŵene, para iwo wâyimilira kula na kuwona kuti Yumoza yura mweneuyó iwo wakamupayika na kumukana, wayimilira apo, Joseph wawo mweneyura wakutemweka. Kuzamkuŵa kutengera kwantheura! Ndipo iwo wazamkuti, “Kasi Iwe ukaghasangirankhu mabamba agho?”

⁸⁴ Iyo wakati, “Mu nyumba ya wâbwezi Wane.” Mukuwona icho ine nkhung'anamura? Kuti wapange umaliro wa kwananga, wa kuwura kugomezga, icho ndicho Iyo wakwizira.

⁸⁵ Ndipo chirimika ichi cha nambala sevente cha Daniel, sabata ya nambala sevente, mphanyiko, kwiza kuzakapanga umaliro wa kwananga, kufumiskapo ichi. Imwe mukupulikiska sono? Kasi chakwamba ndi vichi? “Kumalizga kujuvya.” “Kuti wapange umaliro wa kwananga.” Nambala firi, “Kupange chakupeskerwa uchikana marango.” Imwe mwaŵeneimwe mukulemba ichi.

Ine nanguŵa na Malemba ghanyake pafupifupi sikisi kula, kweni ine nkhujumpaho waka ichi, chifukwa kwawotcha. Ise tikukhumba yayi kuti titore nyengo yitali chomene. Ine nkukhumba kuti nitore vinandi waka nya ichi umo ine ningamanya kuchitira, kweni kumusungani imwe nyengo yitali chomene yayi. Viri makora.

⁸⁶ “Kupanga chakupeskerwa uchikana marango.” *Uchikana marango* ndi “kuchita chiheni,” ngati ndiumo iwo wâkachitira pa mphinjika. Iyo wakapanga chakupeskerwa, kweni ichi chizamuchitika pa iwo yayi. Ichi chikachitika pa iwo yayi. Chifukwa? Chifukwa iwo wâkaburumutizgika ndipo wâkatondeka kuchiwona ichi. Ndipo ntchifukwa uli iwo wâkaburumutizgika?

Imwe mukuti, “Enya, panyake, muhanyauno...pakuti ine ndine wachiburumutira.” Iwe ndiwe wachiburumutira mwakuchita kukhumba. Iwo wâkawâa wachiburumutira chifukwa Chiuta wakâwaburumutizga iwo. Kwени imwe ndimwe wâchiburumutita chifukwa mwakhumba kuburumutizgika. Palije chakupeskerwa cha imwe. “Usange imwe mukugomezga yayi kuti Ine ndine Iyo,” wakayowoya Yesu, “imwe mufwirenge mu kwananga kwinu.” Uwo mbunenesko.

⁸⁷ Sono tiyeni tiwerereso ku Zekariya, chipatulo 13. Sono tiyeni titegherezge apa. “Kupanga chakupeskerwa.” Sono, uko ichi...Ine nakumbanga munyake, wapulike ichi—wapulike ichi, kweni panyake Fumu yichitorenge ichi munthowa yinyake.

Mu dazi lira kuzamkuŵa...

⁸⁸ “Mu dazi lira.” Dr. Scofield wali nacho ichi apa mu manotisi ghake musi umu, panji mitu yake ya ndime, “Wakukhalira . . . Wakukhalira wakurapa wakarazga ku mphinjika.”

⁸⁹ “Kupanga chakuphepeskera ku uchikana marango.” *Uchikana marango* ndi “chinyake icho iwe wananga, icho iwe ukamanya makora, kuti iwe ukenera kuchita yayi ichi.” “Usange ine niri na uchikana marango mu mtima wane, Chiuta wanipulikenge yayi ine.”

⁹⁰ Sono, mu Zekariya chipatulo 13, tiyeni tiyambire pa 1—pa vesi 1.

Mu dazi lira kuzamkuwa mbwiwi yakujurika mu nyumba ya David na ku wakukhala mu Yerusalemu kuti yiwatozge ku kwananga na . . . ukazuzi.

⁹¹ Kuzamkuwa nyumba yakujurika. Rutirirani; ise tingamanya waka kuwazga ichi kukhiranga musi. Ine nkhukhumba kuti imwe mulembe icho mwakuti imwe muzakaŵazge ichi. Kweni sono, ine nailemba apa kuti niyambire pa vesi 6 na kuwazga kufika ku la 10. Viri makora, tiyeni tiwazge sono ndipo tiwone, tiwazge kufika la 9, mphanyiko.

Ndipo munyake wazamuyowoya kwa iyo, kuti uko . . . Kasi ndi vilonda vya vichi ivi mu woko lako? Pamanyuma iyo wazamuzgora, Vira . . . ivyo Ine ndiri navyo vikaŵa . . . (Tiyeni tiwone.) . . . wakazgora, Vira ivyo Ine nkavulazikira mu nyumba ya wabwezi wane.

Wuka, O lupanga, pa mliska, na pa munthu uyo wali pafupi nane, wakuti YEHOVA wa mipingo: tchaya mliska, ndipo mberere zimbininikenge: ndipo ine nizamung'anamulira woko lane pa zichokozichoko.

⁹² Sono, Yesu wakawerezgapo Lemba lira. Wonani, “Tchaya Mliska, ndipo mbininiska mberere.” Kweni wonani ndime yakurondezgako. Iyo wakawerezgapo waka chigawa chantheura cha ili. Kweni wonani icho sentensi yakurondezgako ya iyi yikuyowoya, gawo linyake la iyi. “Ndipo Ine nizamung'anamulira woko Lane ku wachokowachoko.” Vichi? Gulu la Benjamin ilo likuwonekera sono. “Ine nizamung'anamulira woko Lane ku wachokowachoko.”

⁹³ “Tchaya Mliska.” Israel, chakudanga, Israel wakatchaya Mliska, wakambininiskira mberere ku charu chose. Kweni Chiuta wakati, “Ine nizamung'anamulira woko Lane kumanyuma, kuti niwatore wachokowachoko wara pa dazi laumaliro.” Pauli? Para kuphepeskera uchikana marango kwachitika.

⁹⁴ Israel wazamkuponoskeka, waliyose wa iwo. Tiyeni tijure ku Yesaya. Yesaya, chipatulo 66 cha Yesaya, ndipo tiwazge pa kanyengo waka. Ndipo tiwone icho Chiuta wakuyowoya za Israel pakuwa wakuponoskeka, kutilika kwa nyengo kuti waponoske

Israel. Wonani mwakufulumira umo ichi chizamkwizira. Mu Yesaya, chipatulo 66 ndipo vesi 8. Usange imwe mukukhumba kuti muwazge chose ichi, viri makora.

*Ndinjani wali kupulikapo chinthu chantheura?
ndinjani wali kuchiwonapo chinthu chantheura? Kasi
charu chingazakapangika na kubaba...dazi limoza...
mu dazi limoza? ...pakuti para Zion wakupulika
vyakuwinya vyanthumbo, iyo wakababa wana wake.*

⁹⁵ Para Zion wakati wawona waka kuti yura wakaŵa Mesiya wawo, iyo wakababika, mu dazi limoza. "Kupanga chakupeskerwa kwananga, na kupanga chakuphepeskerwa uchikana marango, ukazuzi." O, mwe! Iwo ūwakachita ichi chikawa chiheni, cheneicho chikawa chakwanangika. Vyakuphepeskerwa vikachitika chifukwa cha uchikana marango wawo.

⁹⁶ Nambala foru. "Kwiziska urunji wamuyirayira." Ichu ndi chinthu cha nambala foru ichi Iyo wakwizira. Nambala foru, ichi Iyo wakwiza kuzakachita, "Kuti—kuti wiziske urunji wamuyirayira." "Kupanga umaliro wa kwananga; kuphepeskerwa; na kwiziska urunji wamuyirayira." Para kujuvya kwa Israel kukati kwafika pa umaliro... Para kujuvya kwa Israel...

⁹⁷ Sono ise tichitenge... Ine nkukhumba kuti imwe muchikore ichi, chifukwa para ise tikumutora mwanakazi yura, ndipo chinjoka chaponyeka kuwaro, imwe muzamuwererero nkhanira ku Lemba leneliri. Woneseskani kuti mwalemba Ili. Para kujuvya kwa Israel kwafika ku umaliro, Satana, uyo ndi mutunduli wawo na mutunduli withu, Satana wazamudidimizgikira mu chizongwe chambula kugota. Kasi mphauli? Pa kwiziska urunji wamuyirayira, unyake uwo ungamaraya yayi, wose awo ūwakapangiska uheni wazamkuparanyika.

⁹⁸ Tiyeni tijure Chivumbuzi chipatulo 20 ndipo vesi 13, miniti pera, ndipo tiyeni tiwazge apa miniti pera. Chivumbuzi 20, ndipo 13... Yayi, nkupempha chigowokero chinu. Chivumbuzi... 1 kufika 3, mphenepapo. Ine nangukawona yayi kakulemba kachoko kala pakatikati pa ichi. Vuchi lane apa likunjira mu maso ghane. Chivumbuzi chipatulo 20, ndipo tiyeni tiwone.

Ndipo ine nkhwawona mungelo wakwikha kufuma kuchanya, wakuwa na makiyi ghaku chizongwe chambula kugota na tcheni likuru mu woko lake.

...iyo wakachikora chinjoka, serepente wakale yura, mweneuyo ndi devulu, na Satana, ndipo wakamukaka iyo virimika sauzandi,

Ndipo wakamuponya iyo mu chizongwe chambula kugota, ndipo wakamujalira iyo, ndipo wakawikapo chididimizgo pa iyo, kuti iyo waleke kunyenga mtundu,

mpaka virimika sauzandi vikwaniriskike: ndipo pamanyuma pa icho...wakwenera kuti wasutulike kanyengo kachoko.

⁹⁹ Kupanga wamuyirayira... “Kwiziska urunji wamuyirayira,” Satana mu chizongwe chambula kugota. Ndipo para Iyo wachita icho, na kumujalira devulu uyo wali kunyenga wantru.

¹⁰⁰ Sono tiyeni tijure ku Habakuku, chipatulo 2. Habakuku, chipatulo 2. Ndipo sono ise tiwonenge chifukwa icho Iyo wakamujalirira serepente wakale uyu, na kuti chikachitika chifukwa cha vichi, na icho chikuchitika para iyo wajalirika. Ine nkuchitemwa ichi, mukuchita yayi imwe? Ichi—ichi chikutitorera ise ku umanyi wa vinyake. Habakuku, Habakuku, chipatulo 2 ndipo ves 14, ine nkugomezga mphenepapa, ine nkukhumba kuti niwazge. Para ichi chachitika... Wonani.

Pakuti charu chizamuzura na kumanya na uchindami wa YEHOVA, umo maji ghakubenerera nyanja.

¹⁰¹ *Brrrrr!* Mwe! *Whii!* Mu mazgu ghanyake, para murwani wachimbizgika, umaliro wa kwananga wafika, kunjira kwa urunji wamuyirayira kwafika, Satana wajalirika mu chizongwe chambula kugota, ndipo kuyimanya Fumu kuzamubenerera charu chapasi ngati ndiumo maji ghakubenerera nyanja. Amen! Uchindami kwa Chiuta! Ichi chikwiza, m'bale, ichi chikwiza! Wanakazi wazamkuwa madona, ndipo wanarumi wazamkuwa mabwana. Amen!

Para kuyimanya Fumu kuzamuzura charu chapasi na nyanja na mtambo;
Ndipo, o, mtima wane ukutampha, kuliriranga dazi lira la kusutulika kuweme,
Apo Yesu withu wazamkwizaso ku charu chapasi.

¹⁰² Amen! Viri makora. Sono, Mileniyamu penepapo wakwamba. Apo ndipo Mileniyamu, penepapo Msumba uzamkuzengeka. Chachinayi... Ine nakhala na Malemba ghanyake pafupifupi sikisi, kweni ise tifulumizgenge. Sono, para ise tawerako, ine nizamutora Malemba ghanyake agha; kweni kumupani waka imwe fundo mwachisanisani.

¹⁰³ Nambala fayivi. “Kudidimizga mboniwoni na uchimi.” Wonani, Mungelo yura wakwiza kuzakadidimizga mboniwoni na uchimi.

Ine—ine nkutinkha kuyowoya ichi. Kweni, mlembi munyake wakutchuka, uyo ine nkawazga vy ayo dazi linyake, usange iyo wakatimbanizga yayi chira! Iyo watu “Icho chikawako...”

Sono, kumuwoneskani waka kupusa umo... O, munigowokere ine, ine nkung'anamura kuyowoya icho yayi. Munigowokere ine. Ine nkung'anamura icho yayi, ine nadi

nkhang'anamura nttheura yayi. Yayi. M—m—mwanarumi wambura kuphakazgika, wonani.

Mwanarumi wakati, "Imwe mukuwona apa kuti mboniwoni na uchimi nyengo zose vikazomerezgeka ku mpingo wa Chiyuda." Ndipo wakati, "Kufuma nyengo ya Daniel na kunthazi, para Daniel wakati wafika, ichi chikang'anamura kuti iwo wawengeso na mboniwoni yayi panji kuwaso na uchimi yayi." Wakati, "Vinthu vyose ivi muhanyauno ivyo iwo wakuyowoya, nya kuwa na mboniwoni na uchimi, chose chikawa chinthu cha devulu," kuti, "kukaawave chinthu ngati mboniwoni na uchimi."

M'bale, kukaawá madazeni gha waprofeti pamanyuma pa Daniel. Ndipo kukaawá Yohane Mubapatizi. Kukaawá Yesu Khristu. Wakaawako waprofeti mu Chipangano Chiphya. Zikawako mboniwoni. Wakaawako Wangelo.

Kasi mu charu munthu wangayowoya uli icho? Kweni, imwe wonani, icho chiri na chakulinga cha kujitemwa, kuyezga kukhazikiska chinthu chinyake pa wantru, kupanga ichi kuwa chisambizgo chichoko cha mpingo, panji chinthu chichoko chawakawaka, kuti chizgoke chanadi ku wantru. Ndipo usange wantru walije Mzimu Mutuwa, iwo wanyengekenge na ichi.

¹⁰⁴ Sono, tiyeni tileke kutora icho munthu munyake wakayowoya. Sono, palije Lemba kuti tisimikizgire icho. Mwantheura kasi ine ningatora uli icho? Enya, tiyeni tifufuze kasi kudidimizga ndi vichi. Wonani! Iyo wakwiza kuzakachita icho, kuzakadidimizga mboniwoni na uchimi.

¹⁰⁵ Sono, tiyeni tiwerere kumanyuma ku Buku la Daniel, uko ise tanguwa. Uko mu Buku la Daniel, ise tisangenge icho Ili likayowoya. Sono tiyeni tijure ku Daniel chipatulo 12. Sono, apo ise tikufika ku Daniel 12, sono, ise tingamanya kwambako. Ndipo tiwazge kufuma... Para imwe mwaruta kunyumba, ine nkukhumbu kuti imwe mukawazge kufuma vesi 1 na kurutirira. Tiyeni tiwazge waka kufuma vesi 1, kukhirira ku la 4.

*Ndipo pa nyengo yira Mikayeli wazamuyimilira...
kalonga mukuru uyo wazamuyimilira wana wa wantru
winu:...*

Sono, ichi ndi pa nyengo yaumaliro.

*...ndipo kuzamkuwa nyengo ya suzgo, ngati ndi iyo
yikawako yayi kufuma kale... mtundu...*

Apo ndipo chikanakhristu, mukweri kavalo wa Chididimizgo Chakudanga wakunyamuka, para iyo wakutora malo.

...kufika nanga ndi nyengo iyi:...

Ntha mu nyengo apo Tito wakatora viliwa nya Yerusalem. Para pakaawá pa malo ghamoza pera. Wonani para

chikanakhristu uyu, kalonga yura uyo wakenera kuti wafike, wonani para iyo wakwiza.

...nanga *nkhufika ku nyengo yeneyira: ndipo pa nyengo yira wantru winu wazamuwomboreka, waliyose uyo wasangika kuti wali kulembeka mu buku.*

Aleluya! “Wanthu winu,” Israel, “wazamulembeka mu buku.”

Ndipo wanandi wa iwo awo wagona tulo mu dongo la charu chapasi wazamuwuka, wanji ku umoyo wamuyirayira, ndipo wanji ku soni na kunyozeka kwambula kumara.

¹⁰⁶ Kasi nthena vikawá uli mu charu para Tito wakati watora viliwá vya Yerusalem? Kasi nthena vikawá uli? Ichi nthena chikachitika yayi. Wonani, iyo wakuyowoya za nyengo yaumaliro, pa chiwuka. Ndi unenesko uwo? Sono:

Ndipo iwo weneawo wazamkuwa na vinjeru wazamkuwara ngati kuwara kwa mtambo; ndipo iwo weneawo wakung'anamukira kumphepete... awo wakung'anamulira wanandi ku urunji...nyenyezu muyirayira...

Tegherezgani! Ichi chiri apa, kweneko, kudidimizga kwaunenesko.

Kweni iwe, O Daniel, jara mazgu, ndipo jara buku, nanga nkhufika ku nyengo yaumaliro:...

¹⁰⁷ Kasi ichi ntchichi? O, aleluya! Kasi imwe mukuchiwona ichi, mwawantru? Uvumbuzi uwu wa Yesu Khristu, na Nkhongono Yake, ya Kwiza Kwake, ya nyengo yaumaliro, yikadidimizgika kufika nyengo iyi. Ichô ndicho Iyo wakwiza kuzakachita. Ichi ntchakubisika ku wakusambira; ndicho chifukwa, iwo wakukhumba kuwika, “kudidimizgika uku,” kumanyuma kale, ku “waprofeti yayi,” na chirichose kumanyuma chomene. Ichi chingawoneka chazeru yayi. Kweni mboniwoni, mboniwoni iyi, yakhala yakudidimizgika mpaka sono nthena. Ndipo apo ndipo ine nkhuwika chipulikano chane, kuti Chiuta wavumbulenge masabata sevente agho. Amen! “Didimizga ichi,” Iyo wakati, “mpaka nyengo yaumaliro. Jara Mazgu ndipo jara Buku mpaka nyengo yaumaliro.”

¹⁰⁸ Kasi iyo wakachita vichi? Kuti wadidimizge mboniwoni na uchimi! Daniel wakachima vinthu ivi. Iyo wakachiwona ichi mu mboniwoni, ndipo Mungelo wakiza kuzakadidimizga mboniwoni, na kudidimizga uchimi. Iwo wangamanya kuwazga ichi, kweni wangapulikiska yayi ichi, mpaka nyengo yaumaliro. Nyengo yaumaliro, kasi nyengo yaumaliro ndi vichi? Umaliro wa sabata ya nambala sevente, para kalonga yura, chikanakhristu, wazamkuvumbukwa, pa nyengo iyi, kujipanga iyomwene Chiuta. Kasi ise tikumanya uli kuti ichi chadidimizgika kufika

ku nyengo? Daniel wakamalizga waka; ichi ndi chipatulo chaumaliro cha Daniel.

¹⁰⁹ Mlongosi Simpson wanguniphalira ine ichi kumuhanza uku, iyo wanguti, "M'bale Branham, ine nkhaŵazga Buku lose la Daniel. Ine—ine nkhamanya chirichose yayi para ine nkhati nalekezga, namalizga, kuruska umo ine nkhachitira para nkhati nayambako." Ichi chiri apa, Mlongosi Simpson, usange iwe uli muno usiku uwu. Ine nkhugomezga ine nkhumuwona iyo wakhala kudera uko. Ine nkhayowoya chirichose yayi mu msasa. Ine nkakhala chete, chifukwa ine nkaghaganaghana kuti panyake ine nifikengeko ku ichi.

Kweni, mboniwoni iyo Daniel wakawona, kusika kula pa mronga, yikadidimizgika, "mpaka nyengo yaumaliro." Ichi ndi... Rekani ine nirutirire waka ndipo niŵazge ichi apa. Mukuwona?

Kweni iwe, O Daniel, jara mazgu, ndipo jara buku, nanga nkhuſika ku nyengo yaumaliro: ḫanandi ḫazamuchimbilira uku na uko, ndipo kumanya kuzamukura.

Ndipo ine Daniel nkhalawiska, ndipo, wonani, kula kukayimilira... ḫaŵiri,... yumoza ku lwandi limoza... la mronga, ndipo yumoza ku linyake lwandi la kumphepete kwa mronga.

Ndipo yumoza wakayowoya kwa mwanarumi uyo wakavwara—wakavwara bafuta, uyo wakawa pa maji gha mronga, Kasi yiŵenge nyengo yitali uli kufika ku umaliro wa vyakuziziswa ivi?

Sono tegherezgani.

Ndipo ine nkhamupulika mwanarumi uyo wakavwara bafuta, uyo wakawa pa maji gha mronga, para iyo wakati wakwezga woko lake lamaryero na woko lake lamazere kuchanya, ndipo wakarapa mwa iyo uyo ngwamoyo mtatakuya na mtatakuya kuti ichi chizamkuŵako pa kanyengo, kanyengo, na hafu wa nyengo;...

Sono, ise tafika nkhanira—nkhanira ndendende, "Nyengo, nyengo, na hafu wa nyengo." Sono imwe muwone para ise tafika mu masabata sevente gha Daniel, umo icho chikuwonekera. Apo ndipo chamchindindi chizamkuvumbukwira. Viri makora. "Nyengo, nyengo, na hafu wa nyengo."

...ndipo para iyo... ("iyo," lizgu lakuyimira munthu sono, chikanakhristu) ...wazamukwa-... kukwaniriska kukwaniriska kuphwasura nkhongono ya ḫanthu ḫatuŵa, (apo ndipo iyo wakuswa phangano lake mkatikati mwa sabata), vinthu vyose ivi vizamukwaniriskika. (Amen.)

Ndipo ine nkhapulika, kweni ine nkhapulikiska yayi: pamanyuma ine nkhati, O... Yehova, kasi umaliro wa vinthu ivi uzamkuŵa vichi?

Ndipo iyo wakati, Rutanga ulendo wako, Daniel: pakuti mazgu ghajarika ndipo ghadidimizgika mpaka nyengo ya a... [Gulu likuti, "Umaliro."—Munozgi]

O, kuruwa yayi icho!

...mpaka nyengo yaumaliro.

Ŵanandi wazamutozgeka, na kuzgoka ūatuŵa, na kuyezgeka; kweni ūaheni wazamuchitta uheni: ndipo palije yumoza wa ūaheni wazamupulikiska; kweni wavinjeru wazamupulikiska.

¹¹⁰ Uthenga wa nyengo-yaumaliro uzamuvumbula ichi; muwiro wa mpingo waumaliro. Uchindami! Whii! Apo imwe muli! O, mwe! Ichi chikunisunkhunya ine, kughanaghana za ichi, chamchindindi! Vinthu ivyo mpingo wa charu ukujara maso ghake, na kuti, "Uku ndi kupusa." Chamchindindi cha Icho Yesu Khristu wakaŵa; Munthu wachitatu yayi, Munthu wachiŵiri yayi, Munthu wachitatu yayi, kweni Munthu nadidi wa Chiuta. Vyamchindindi vinyake vyose ivi nya Chiuta vizamuvumbukwa, chifukwa ichi chiri kulembeka umu mu Buku, na kuti chivumbukwe ku mphapu ya nyengo-yaumaliro. Iwo ūwangachiwona yayi ichi mu maseminare, na masukulu, na mabungwe, kuruska umo Wayuda ūwangamanya kumuwona Yesu pakuŵa Mesiya. Ndicho chifukwa iwo ūkuyezga kughanaghana kuti ndimwe ūkufuntha. Ndicho chifukwa iwo ūkuguanaghana kuti imwe ndimwe ūzerezza. Ndicho chifukwa iwo ūwangapulikiska yayi chifukwa icho imwe mukwenda nawo yayi iwo. Chifukwa, kuli Nkhongono na mboniwoni kuseri kwa ichi, Mazgu gha Chiuta agho ghavumbukwa, kuti ghâwîke Mpingo mu dongosolo kunozgekera Mkwatulo na kurutanga Kukaya. Enya. "Ŵanandi wazamuchimbilira uku na uko, ndipo kumanya kuzamukura." Nadi.

¹¹¹ Sono, kasi chinthu chinyake ntchivichi icho chikwenera kuzakamanyikwa? Laŵiskani muhanyauno, pa mipingo. Ichi chiri apa. Ine nkugomezga ichi chikupweteka yayi, kweni ine nkhwenera kuti nichiyowoye ichi. Kupanga...

¹¹² Mu nyengo yira muzamkuŵa chikanakhristu wazamuphuka.

¹¹³ Sono, kumbukirani, para ise tafika mu Vididimizgo, kuti chikanakhristu wakwenda wakuwoneka nkhanira mu Vididimizgo vira. Daniel wakayowoya za ichi umu, "Kalonga uyo wazamkwiza." Iyo wazamufumiskikako, Yesu wazamufumiskikako, kuti waŵapangire ūanthu chakuphepeskera. Kweni, "Kalonga yura uyo wazamkwiza, uyo wazamupangiska ukazuzi kuti upange mupasuko," yura

wakawâ Rome, kwizira mwa Tito. Ndipo nyengo iyi, ndi kalonga wakwiza kufuma ku Rome, wazamuchita ichi. Ndipo iyo wazamuvumbukwa mu nyengo yaumaliro, sono tegherezgani, "kujipanga iyomwene Chiuta," umo Mzimu Mutuâ wakutichenjezgera ise mu Watesalonika Wachiwiri, wachiwiri.

Tiyeni tirute waka ku ili, Watesalonika Wachiwiri, ndipo ntheura imwe muwenge na mazgu ghane yayi kweni Mazgu gha Chiuta. Watesalonika Wachiwiri, chipatulo 2 ndipo vesi 12. Tiyeni tiwone. Watesalonika Wachiwiri, chipatulo 2 ndipo vesi 12. Tiyeni tiwone. Tiyeni tiyambire pachanya pa ilo, vesi 7.

Pakuti chamchindindi cha uchikana marango chikuteweta na sono wuwo:...

(Uyu ndi Paulos wakuyowoya, mwa Mzimu Mutuâ.) . . .

yekha—yekha pera uyo sono wakuzomerezga wazomerezge, mpaka iyo wazakafumiskikepo pa nthowa.

Kasi ndijani "Iyo" apa? Kasi walipo munyake wakumanya? Mzimu Mutuâ, "Iyo uyo wakuzomerezga."

Ndipo pamanyuma, (pauli) yumoza Muheni yura wavumbukwe,...

Pauli? Pa nyengo apo Mzimu Mutuâ wakufumiskikapo, weneuwo uli pafupi kuruta sono. Ntchifukwa uli Iyo wakuruta? Kutora Mpingo pamoza na Iyo. "Kuvumbukwa!" Paulos wakuyowoya, mwa ukhuwirizgi.

...mweneuyo Fumu yizakumumyangura na mzimu wa mlomo wake, ndipo wazamuparanya na kuwara kwa kwiza kwake: (muheni yura, nkhumanya)

Nanga ndiyo, uyo kwiza kwake nkhwakupangika na Satana na khongono zose na vimanyikwiro na vyakuziziswa vyautesi,

"Ise ndise mpingo ukuru chomene. Ise tiri na *ichi*. Ise tiri na *ichi*. Mose imwe musazgane pamoza," wonani. "Ise ndise ukuru chomene." Vyakuziziswa vyautesi!

Ndipo na wose...uheni mwa iwo uwo ukuparanyika; chifukwa iwo wakapokera yayi vya chitemwa cha unenesko, mwakuti iwo wangamanya kuponoskeka.

Ndipo pa chifukwa ichi Chiuta waâatumizgira iwo upuruski ukuru, mwakuti iwo wagomezge boza wagomezge boza:

Ndipo kuti iwo...wangamanya kususkika awo wakaugomezga yayi unenesko, kweni wali na sangulusko mu uheni.

¹¹⁴ Kasi imwe mukupulikiska ichi? O, mwe! Sono, Paulos wakuyowoya. Nyengo apo Chididimizgo cha Chiuta

chikuvumbukwa, Mzimu Wake, Zina Lake, uchizi Wake, vyamchindindi vinyake vyose ivi vikuruvikuru ivyo vikuchitika sono, ndondomeko za Mpingo Wake kuruta mu Mkwatulo; kupungulika kwa Mzimu Mutuŵa kwachita ichi. Icho ndicho Iyo wachita mu mazuŵa ghaumaliro.

¹¹⁵ Sono, tiyeni tiwone. Kasi ise tiri nayo nyengo ya chimoza chaumaliro ichi? [Gulu likuti, “Amen.”—Munozgil] Cha nambala sikisi, “Kuphakazga Utuŵa chomene.” O, mwe! Apa pali chimoza! Chinthu chaumaliro Iyo wachitenge, ndi kuchita vichi? Sono, tiyeni tiwerere waka kumanyuma mu Daniel, tisange icho Iyo wachitenge nkhanira apa. “Masabata sevente.” Ntchivichi chikwaniriskikengenye mu nyengo iyi? Viri makora.

... *ghamikikira pa wantru wako na...msumba wako utuŵa, kumalizga majuvyo* (majuvyo gha wantru), ... *kuti wapange umaliro wa kwananga* (kwa wantru), *na kuti wapange chakuphepeskera uchikana marango wawo, na kwiziska urunji wamuyirayira* (ku Wayuda), *na kudidimizga mboniwoni na uchimi* (mpaka nyengo yaumaliro), *na kuphakazga Utuŵa chomene*.

Icho ndi chifukwa chakumasuka m'vigawa sikisi cha kwiza Kwake.

¹¹⁶ Sono, “kuphakazga Utuŵa chomene.” Sono, ichi panyake chingawa chachilendo pachoko pa miniti pera, ku wanandi wa imwe wasambizgi, kweni sono sungani waka ichi miniti pera, wonani waka umo ichi chikuwonekera.

¹¹⁷ Uku ndi kuphakazgika, kwa munthu yayi. Yesu ngwakuphakazgika kale. Mbunesko uwo? Buku la Milimo likayowoya kuti Chiuta wakaphakazga Yesu na Mzimu Mutuŵa; Iyo wakayendayenda kuchitanga uweme, na kuchizganga warwari, na vinyake ntheura. Yesu ndi, wakuphakazgika kale. Iyo ndi Mesiya. Ndipo *Mesiya* chikung'anamura “Yumoza wakuphakazgika.” Ndi unenesko uwo? Kweni apa pa nyengo yaumaliro, Iyo waphakazgenga Utuŵa chomene.

¹¹⁸ Ndi vichi “Utuŵa chomene”? Ku nthowa yane ya kapulikiskiro ka ichi, cheneicho ine nkhugomezga ine ningamanya kusimikizgira ichi mwa Lemba, ndi kuti waphakazge “Utuŵa chomene,” cheneicho wazamkuŵa Kachisi uyo wazamugwiriskika ntchito mu nyengo ya Mileniyamu. Sono tegherezgani, wonani umo ine nkhuchisangira ichi. Chikarongosoreka mu Ezekiel, a—chipatulo 4, a...Yayi, ine nkhung'anamura chipatulo 43, vesi 1 na 6. Tiyeni tiwerere kwa Ezekiel ndipo tiwone umo iyo wakuchilaŵiskira mu Mileniyamu, umo iwo wazamuphakazgira a...Ezekiel 43, ndipo tiyeni tiwazge apa pachoko waka sono ndipo tiwone icho Iyo wazamuchita mu Mileniyamu, kuphakazganga. Mu Ezekiel 43, viri makora, ndipo sono tiyeni tiyambire na vesi 1, kufika vesi 6. Imwe mungamanya kuŵazga chinthu chose para

imwe mwakafika kunyumba, nkhumanya, imwe mwaŵeneimwe mukulemba, Ezekiel 43. "Pamanyuma . . ."

¹¹⁹ Sono, wonani, marongosolero gha Tempile ilo lizamuzengeka mu Mileniyamu. Sono, waliyose, wakuŵazga waliyose uyo wakumanya, kuti kufumira Ezekiel chipatulo 40, mpaka pakunji chipatulo 44, ndi chinyake yayi mu charu kweni Tempile la Mileniyamu likuzengeka pa charu chapasi, (waliyose wakumanya icho, wonani), para uchindami wa Fumu wazura umu, na vinyake ntheura ngati ivyo. Sono ise . . . tilirongosorengé waka Tempile mu chipatulo 43, ndipo vesi 1 kufika 6.

Para iyo wakati wanitorera ine ku chipata, nanga ndi chipata icho chikawoneka chikarazga kuvuma:

Ndipo, wonani, uchindami wa . . . Chiuta wa Israel ukiza kufumira ku nthowa ya kuvuma: ndipo lizgu likâwa ngati lizgu la maji ghanandi: ndipo charu chikâwara na uchindami.

Ndipo ichi chikâwa kwakulingana na kawonekero ka mboniwoni iyo ine nkhawona, nanga ndi kwakulingana na mboniwoni iyo ine nkhawona para ine nkhiza kuzakaparanya msumba: ndipo mboniwoni yikakozgana na mboniwoni iyo ine nkhawona pafupi na mronga wa Kebari; ndipo ine nkhawa kavunama.

Ndipo uchindami wa YEHOVA—uchindami wa YEHOVA ukanjira mu nyumba ku nthowa yakwizira ku chipata uko mawonekero ghake ghakarazga kuvuma.

Ntheura mzimu ukanitorera kuchanya ine, ndipo ukarinjizga mu chipinda cha mkati; ndipo, wonani, uchindami wa YEHOVA ukazura nyumba.

Ndipo ine nkhamupulika iyo wakuyowoya kwa ine kufumira mu nyumba; ndipo mwanarumi wakimilira pafupi na ine.

¹²⁰ Kuphakazga, kuphakazgira Tempile lira ku muwuso wa Mileniyamu. Sono wonani mu Leviticus. Sono wonani umo ili likapatulikira mu Leviticus. Sono, usange ise tingawerera kumanyuma ku Leviticus, ise tikusanga kuti Moses wakaphakazga tempile. Tiyeni tiwererekapo ise tiri pa ichi. Ise tiri na nyengo yinandi ntheura. Ndipo tiyeni tiwerere ku Leviticus ndipo tiwone para Moses wakati waphakazga tempile, pa Leviticus chipatulo 8.

¹²¹ O, ine nkhutemwa waka kulinganizganga Malemba agha ku Malemba. Imwe mukutemwa yayi ichi? Ndipo ntheura imwe—imwe muŵe waka na a—a—fundo ya icho—ya icho ise tikukhumba na icho ise tikuchita. Sono, waliyose wa imwe wakumanya kuti ise tikugwiriska waka ntchito Lemba nyengo yose, pa ichi.

¹²² Sono, chipatulo 8 cha Leviticus, ndipo ine nailemba apa, vesi 10. Wonani Leviticus 8:10. Tiyeni tiwone.

Ndipo Moses wakatora mafuta ghakuphakazgira, ndipo wakapungula mafuta ghakuphakazgira, ndipo wakaphakazga kachisi na vyose ivyo vikaŵa mwenemula, ndipo wakavituŵiska ivi.

Ndipo...wakamija pa jotchero kankhonde na kaŵiri, ...wakaphakazga jotchero na viteŵetero vyose, vyose chimpansi na chikolerero chake, kuti...kuti wavituŵiske ivi.

Ndipo iyo wakapungula...mafuta ghakuphakazgira pa mutu wa Aron, ndipo wakamuphakazga iyo, kuti wamutuŵiske iyo.

¹²³ Moses, mu mapopa, kutuwiskanga, panji kuphakazganga kachisi wa kusoperamo, kuchitira wana wâ Israel para iwo wakaŵa mu ulendo wawo. Uyu wakaphakazgika.

¹²⁴ Sono, mu Midauko Wachiŵiri, jurani, ndipo ise tiwonenge kupatalira kuti para Mzimu Mutuŵa wakati wakhala pa mpando Wake pa kachisi, ndipo wonani icho chikachitika sono. Mu Midauko Wachiŵiri chipatulo 5, ndipo tiyeni tiyambire vesi 13. Midauko Wachiŵiri chipatulo 5, ndipo tiyambire vesi 13.

Ndipo kukati...kukachitika, apo mbata na wimbi wakaŵa...kuti wapange kulira kumoza kuti kupulikikwe...kurumba na kupererekanga viwongo vya YEHOVA; ndipo para iwo wakati wakvezga mazgu ghawo na mbata na vinkhuŵete na vinyake vyakwimbira, na kurumbanga YEHOVA, na kwimbanga, Pakuti iyo ndi muweme; na lusungu lwake lukukhalirira muyirayira: kuti pamanyuma nyumba yikazura na bingu, nanga ndi nyumba ya YEHOVA;

Mwantheura kuti wwasofi wakimilira...wwasofi nthena wakimilira yayi kuti watumikire pa chifukwa cha bingu: pakuti uchindami wa YEHOVA ukazura nyumba ya Chiuta.

¹²⁵ Chiuta wakanjira mu kachisi uyo wakenera kuti waphakazgike, ndipo wakapatulikira kwa Iyo kuti wantru wafikenge kuzakasopa. Ntheura, kuti waphakazge, ntha "wako utuŵa" malo, kwensi kuti waphakazge "Ghatuŵa chomene" malo. Ndipo ise tikuwona, kuti, Yerusalemu Muphyia ndi "Ghatuŵa chomene" malo. Ndipo kuphakazga kuzamkuŵa pa Yerusalemu Muphyia uyo wakwikha kufuma kwa Chiuta kufuma Kuchanya, wakunozgeka ngati mkwatibwi wakunozgekera mfumu wake. Kuphakazga kuzamkuŵa pa iwo.

¹²⁶ Sono, para Zerubabel wakati walipatulira tempile lake, para ili likati lazengekaso, ili likaphakazgikaso yayi, chifukwa ili likaŵa kuti laphakazgika kale; ndipo likawiskikira pasi,

ndipo ili likalangulika waka. Kubwangandulika uko kukafika ku ili. Ili likalangulikaso ndipo likazengeka, mwantheura pakaŵayye kuphakazgika kwa ili munthowa yiriyose. Para ili nyengo yimoza likaphakazgika, ichi chikarutirira, ndipo ichi chikurutirira mpaka nyengo iyi. Kweni para Chiuta wakukhazikiska Kachisi wa Mileniyamu, Iyo wazamuphakazga Mutuŵa chomene; ntha “wako utuŵa,” kweni “Mutuŵa chomene.”

¹²⁷ Kweni para Fumu yikutora Chizumbe Chake virimika sauzandi, (Uchindami!) uwu wamara sono. Kuphakazga kwa Mutuŵa chomene chizamkuŵa chinthu chaumaliro kuchitika. Para Kachisi wazengeka; chiwuka chafika; Wāyuda wāwelerera; Khristu na Mkwatibwi Wake wāfika; Muyuda, handiredi na fote-foru sauzandi wādidiimizgika; Mileniyamu yachitika. Kuzamkuŵa kuphakazga para malo Ghatuŵa chomene ghazamkuphakazgika; ghatuŵa, Ghakutuwiskika gha ghatuŵa, na Mutuŵa chomene. Apo, malo Ghatuŵa chomene ndi kachisi umo Chiuta wakakhalanga, pakatikati pa Wakerubi. Ndipo, nyengo iyi, Khristu wazamukhala mu malo Ghatuŵa chomene, wali na kuphakazgika pa Iyo. Ndipo iwo wazamukhumba zuŵa yayi kula, pakuti Mwanamberere mkatikati mwa Msumba wazamkuŵa Kuŵara. Zuŵa lizamutchona yayi mu Msumba ula, umo mulara Uncle Jim wakayowoyer. Ndipo uku ntha, chifukwa Khristu wazamkuŵa Kuŵara, Yumoza wakuphakazgika. Ndipo Fumu yizamkwiza na kukhala pa Chizumbe Chake virimika sauzandi, kuwusa.

¹²⁸ Yeremiya 3:12-18, ghose, tiyen'i tiwazge ichi. Uko mu Yeremiya chipatulo 18, ine nkugomezga. Enya. Yayi, chipatulo 12, phepani, chipatulo 12 cha Yeremiya, ndipo tiyen'i tiyambire na—na... Yeremiya 3, phepani. Yeremiya 3, ine na—nalemba apa, uko, nichali mukuŵazga, Mzimu Mutuŵa kuniyendeskanga ine kufuma waka ku malo kuruta ku malo, ine nangulemba waka agha mukumanya kwane kose. Yeremiya 3, ndipo ntheura 12 kufika 18, ghose. Tiyen'i tiwazge ichi.

Ruta ndipo ukapharazge mazgu agha kurazga kumpoto, ndipo ukati, Werera iwe Israel muwerelinyuma, wakuti YEHOVA; ndipo Ine ntha nipangiskenge wane—wane... ukali wane kuti ukuwire iwe: pakuti Ine ndine walusungu, wakuti YEHOVA, ndipo Ine ntha nisungilirenge ukali tuyirayira.

Zomera uchikana marango wako, kuti iwe wanangira YEHOVA Chiuta wako, ndipo wambininiskira nthowa zako kwa mlendo musi mwa khuni lirilose lakubiriwira...

Icho ndicho iwo wākachita, kufuma kuvuma, kuzambwe, fuko lirilose. Mukuwona?

...ndipo iwe ntha wapulikira lizgu, lizgu lane, wakuti YEHOVA.

“Ng’anamuka!” Tegherezgani ku ichi.

Ng’anamukani, O wana wakuwerera kumanyuma, wakuti YEHOVA; pakuti ine ndiri (k-u-k-u-t-o-r- -a) . . . Ine ndiri kukutora nthengwa iwe: . . .

“Maso ghawo ghakaburumutizgika, chifukwa Ine napereka mwaŵi ku Wamitundu. Kweni, iwe werera, pakuti Ine nakutora nthengwa iwe.”

...ndipo Ine ndimutoraninge imwe yumoza mu msumba, ndipo waiwiri mu banja, . . .

Ndi wose yayi awo wâkujichema iwoŵene Wayuda wazamunjira. Kweni gulu lira lakusoreka lizamunjira, Benjamin muchoko yura uyo wakiza kula panthazi pa Joseph, gulu lira kufumira ku fuko lirilose, yumoza kufumira mu msumba, na kufumira mu banja.

...ndipo Ine nizamkumutorerani imwe ku Zion:

Ndipo Ine nizakumupani mliska kwakulingana na mtima winu, uyo wazakumuliskani imwe na kumanya na kapulikiskiro.

Ndipo kwamkuti, para imwe muzamkuâwa kuti mwayandana na kusazgikirako mu charu, mu mazuâwa ghara, wakuti YEHOVA, iwo wazamuyowoyaso yayi, L—likasa la phangano la YEHOVA: nesi ichi chizamkwiza ku malingaliro: nesi iwo wazamukumbukira ichi; nesi iwo—iwo kuzakachezgera ichi; nesi ichi kuzakachiwonaso.

Pa nyengo yira iwo wazamuzunura Yerusalemu chizumbe cha YEHOVA; (pakuti Iyo wazamkuâwa kula, wonani), ndipo fuko lose lizamuungana (aleluya) ku uwu, na zina la YEHOVA, ku Yerusalemu: nesi iwo wazamukwendaso kurongozgeka na kughanaghana kwavo mu uheni wa mtima wawo.

¹²⁹ Apo ndipo Msumba ula uzamuphakazgika. Apo ndipo Yerusalemu Muphya wazamuphakazgika. Ndipo mafuko ghose gha Msumba . . . Kula mu Chivumbuzi chipatulo 22, ili likati vipata vizamujarika yayi mu usiku, chifukwa kuzamuŵavye usiku kula. Ndipo mafumu ghose gha charu chapasi ghazamukwiza na ntchindi zawo na uchindami mu Msumba uwu. Viliŵa vyake vizamkuâwa vya libwe la yasipisi na sardisi, malibwe gha mitundumitundu thweluvu; ndipo vipata thweluvu vizamkuâwa ngale yimoza yakukorana, chipata chirichose. Kuzamuŵavye phindu la kuâwa na nyali mwenemula. Kuzamuŵaso kuŵara kwa zuâwa yayi, pakuti Mwanamberere uyo wali mkatikati mwa Msumba wazamkuâwa Kuŵara. Ndipo Iyo wazamkuâwarongozgera wanthalu Wake mu Umoyo

wamuyirayira. Kuzamkuwa makuni ghawiri ghakwimilira, limoza ku lwandi lirilose la mronga, ndipo igho ghazamkuwa machirisko ku fuko. Yura ndi Yumoza wakuphakazgika uyo wazamkwiza, Msomba Utuwa kwikhanga kufuma kwa Chiuta kufuma Kuchanya, kwiza ku charu chapasi.

¹³⁰ Tiyen titore sono icho chizamuchitika mu nyengo yira. O, kasi imwe mukuchitemwa ichi? Tiyen tijure kwa Yesaya 65, miniti pera. Ntchiweme waka chomene kuti tivijumphire. Ntchiweme waka chomene kuti tichileke. Panyake kungawa kuti kwawotcha pachoko, kweni tiyen tirutirire waka.

¹³¹ Yesaya 65, tegherezgani icho chizamuchitika mu nyengo yira. Ndipo jifumbe waka wamwene, mubwezi wakwananga, usange iwe—usange iwe ungazomerezga kuchiphonya ichi. Yesaya 65, tiyen tiyambire pakunji vesi 17. Tegherezgani, waliyose, tcheru sono. Iyi ndi nyengo ya Mileniyamu, apo Mutuwa chomene wakuphakazgika.

*Pakuti, wonani, Ine nizamulenga kuchanya
kuphya na...charu chapasi chiphya: ndipo chakale
chizamukumbukika yayi, nesi kwiza mu malingaliro.*

*Kweni muwe...wakukondwa na wakusekerera...
nanga ndi mu cheneicho Ine nalenga: pakuti, wonani,
Ine nalenga Yerusalem...Ine nalenga Yerusalem,
(uyo ndi Yerusalem Muphyia), wachimwemwe, ndipo
wanthu wake wachimwemwe.*

Kasi kuphakazga ndi vichi? Chimwemwe cha Fumu.

*...nalenga Yerusalem wachimwemwe, ndipo
wanthu wake wachimwemwe. Ndipo ine nisekererenge
mu Yerusalem,...*

Fumu mu Chizumbe, pa Chizumbe cha ufumu cha chikurukuru, Chizumbe Chamuyirayira, na wantru Wamuyirayira na chimwemwe Chamuyirayira mu Msomba Wamuyirayira! O, mwe!

*Ndipo Ine nizamusekerera mu Yerusalem, na
chimwemwe mu wantru wane: ndipo mazgu gha
chitengero ghazamupulikikwaso yayi mu uwu, nesi
mazgu gha kulira.*

*Wazamuwakoso yayi kufuma kula...bonda
wa mazuwa, nesi muntru muchekuru uyo
wandakwaniriske mazuwa ghake: pakuti mwana
wazamkufwa wali na virimika handiredi vyakubabika;
kweni wakwananga pakuwana na virimika handiredi
vyakubabika wazamutembeka.*

*Ndipo iwo wazamuzenga nyumba, na kukhalamo;...
iwo wazamupanda minda ya mpheska, ndipo iwo
wazamkurya chipambi cha iyi.*

Iwo nthā wazamuzenga, ndipo munyake kuzakakhalamo; (ndiko kuti, iwe kufwa ndipo mwana wako wakutora malo) . . . kuzenga, ndipo yumoza munyake kukhalamo; iwo nthā wazamupanda, ndipo munyake kuryamo vipambi: pakuti umo ghazamuŵira mazuŵa gha khuni ndimo ghazamuŵira mazuŵa gha wantru wane, ndipo wakusoreka wane mwanyengo yitali wazamukondwera na zintchito za mawoko ghawo.

Iwo wazamutokatoka pawaka yayi, nesi kubabira suzgo chara; pakuti iwo ndi mbewu ya wakutumbikika wa YEHOVA, ndipo na wana waiwo pamoza nawo.

Ndipo kwamkuti, . . . pambere iwo wāndacheme, Ine nizgorenge; . . . (Kuphakazga kwauchindami kula, mkatı kumanyuma kwa Kerubi!) . . . Ine nizgorenge; ndipo apo wachali kuyowoya, ine nipulikenge.

Mphumphi na mwanamberere vizamuryera pamoza, . . . nkharamu yizamurya utheka ngati ng'ombe: ndipo fuvu lizamkuŵa chakurya cha serepente. Ndipo iwo wazamupweteka yayi nesi kuparanya mu phiri lane lose lituŵa, wakuti YEHOVA. (Kasi imwe mungaphonya ichi? Yayi!)

¹³² Rutani nkhanira kumanyuma uku kamozaso, ndipo Yesaya wakuyowoya kamozaso, pa chipatulo 11, vesi 1 kufika 9. Pulikani icho iyo wakuyowoyaso apa, para iyo wayikora mboniwoni, para iyo wakuwona wānakazi, umo iwo wazamuchitiranga mu mazuŵa ghaumaliro. Ni- . . . Enya, Yesaya 11, kufika 1.

Ndipo pazamufuma mphukira mu mphapu ya Jesse, . . . Munthavi uwo uzamumera kufuma ku misisi yake: (Yura wakawâ njani? Khristu.) . . . kufuma ku misisi yake:

Ndipo mzimu wa YEHOVA uzamkuŵa pa iyo, mzimu wa vinjeru, wa kapulikiskiro, mzimu wa kuphemaniska . . . nkhangono, mzimu wa kumanya na . . . kumopa YEHOVA;

Ndipo vizakumupanga iyo kupulikiska mwaluwîro mu kumopa YEHOVA: ndipo iyo nthā wazamkweruzga mwakurongozgeka na maso ghake, nesi . . . mwakurongozgeka na kupulika kwa makutu ghake:

Kweni na urunji iyo wazamkweruzga wakavu, na kuchenya uchikana marango wawo chifukwa cha wakuzika wa charu chapasi: ndipo iyo wazamutimba charu na ndodo ya milomo wake, ndipo na mvuchi wa milomo yake iyo wazamukoma wahleni.

Warunji wazamuvwarikika lamba mu chiwuno, ndipo wakugomezgeka chakukhozgera cha lamba wawo.

Ndipo mphumphi nayoso yizamukhala pamoza na mwanamberere, ndipo nyalubwe wazamugona pamoza na mwana (iyo ndi mbuzi); ndipo thole na nkaramu yanichi na ng'ombe...panji thole, panji nkaramu na ng'ombe pamoza; ndipo mwana muchoko wazamkuvirongozga ivi.

...ng'ombe na nkaramira vizamkuryeska; ... twana twawo (ndipo) tuzamugona pasi pamoza: ndipo nkaramu yizamkurya utheka ngati nkambako.

Ndipo mwana wakonkha wazamusewera pa khululu la chipiri, ndipo mwana wakulumulika wazamuwika woko lake mu nyumba ya njoka.

Iwo wazamkupweteka yayi panji kuparanya mu mapiri ghane ghose ghatuwa: pakuti charu chizamuzura na kumanya...umo maji ghakubenekerera nyanya.

Hum! Umo ndi mu Yerusalem Muphyia. Mweneyura "muphyia" yumoza. Munthavi, apa, wakurongora ku, wa Munthavi wa David. "Iyo ndi vyose viwiri Munthavi na Mwana."

¹³³ Sono, para ichi chajumpha, Mkwatibwi wakuwonekera. Para masabata sevente ghamara, Mkwatibwi wakuwonekera mu Chivumbuzi chipatulo 19, vesi 1 na vesi 16. Iyo wakwiza na Mwenenthengwa Wake, Fumu yankhongono. O, mwe! Ine nkhumanya yayi kwali ise tichipulikiskenge chose ichi panji yayi. Nachisanga waka nttheura...

Enya, tiyeni tiwazge waka gawo la ichi, munthowa yiriyose. Apa ndipo Mkwatibwi watizenge, pamanyuma pa ichi. Mukuwona? Para Mileniyamu yayamba, nttheura Khrsitu wakwizaso na Mkwatibwi. Unenesko, 1 kufika 16, ndipo chipatulo 19.

Ndipo para vinthu ivi vyajumpha...

Para Chisuzgo ichi chajumpha; para Masoka ghajumpha; para Vididimizgo vyajumpha; para Vilengo vyajumpha; para kuponyeka kwa Satana kwajumpha; para Mileniyamu yakhazikiskika. Wonani!

...pamanyuma pa vinthu ivi ine nkhapulika a... mazgu gha wantru wanandi kuchanya, kuti, Aleluya; Chiponosko, na uchindami, ...ntchindi, ...khongono, kwa Yehova Chiuta withu:

Pakuti ghaneneska na gharunji ndi maweruzgo ghake: pakuti iyo wakamweruzga muzaghali mukuru, mweneuyo wakananga charu chapasi na mauzagħali ghake, ndipo wawezgera nduzga ndopa za wateweti wake pa woko lake.

Ndipo kweniso iyo...iwo...Ndipo kweniso iwo īwakati, Aleluya. Ndipo josi lake likakuwera muchanya muyirayira na muyirayira.

Uwo ndi mpingo wakale uzaghali, “josi lake likakwera kuchanya.”

Ndipo walara foru na twente na vikoko vinayi vikawa kavunama ndipo vikamusopa Chiuta uyo wakakhala pa chizumbe, vikati, Amen; Aleluya.

Ndipo lizgu likiza kufuma mu chizumbe, likati, Rumbani Chiuta withu—Rumbani Chiuta withu, mose imwe wateweti wake, na imwe mwaweneimwe mukumopa iyo, mose wachoko na walara.

Ndipo ine nkhapulika ngati kuti ghakaŵa mazgu gha mzinda ukuru, . . .

Tegherezgani! Apa imwe muli, Mpingo. Para Uwu ukati wakwera kuchanya mu chipatulo 3, apa Uyu wakwiza. Mukuwona? Ndipo sono vesi 6.

Ndipo ine nkhapulika ngati kuti ghakaŵa mazgu gha mzinda ukuru, ndipo ngati mazgu gha maji ghanandi, ndipo ngati mazgu gha kududuma kukuru, kuti, Aleluya: pakuti Yehova Chiuta wankhongono zose wakuwusa.

Aleluya! Wonani! Nthengwa ya Mwanamberere yafika sono. Apa Uyu wakwiza.

Tiyeni tikondwere na kusekerera, ndipo tipereke ntchindi kwa iyo: pakuti nthengwa ya Mwanamberere yafika, ndipo muwoli wake wajinozgera iyomwene. (Apa Uyu wakwiza, wose, Mkwalibwi na Mwenenthengwa.)

Ndipo kwa iyo kukapika kuti iyo wavware bafuta muweme, wakutowa ndipo mutuŵa: pakuti bafuta muweme ndi . . . urunji wa watuŵa.

Ndipo iyo wakati kwa ine, Lembu, Wakutumbikika ndi iwo weneawo wachemeka ku mugonero wa ukwati wa Mwanamberere. Ndipo iyo wakati kwa ine, Agha ndi . . . mayowoyer ghaunenesko gha Chiuta.

Ndipo ine nkhawa pasi pa marundi kuti nimusope iyo. Ndipo iyo wakati kwa ine, Woneseska kuti we ukuchita yayi ichi: Ine ndine muteweti munyako, . . . wabale wako ndipo wali na . . . wabale wako ndipo wali na ukaboni wa Yesu: kumusopa Chiuta: pakuti ukaboni (wa Khristu) wa Yesu ndi mzimu wa uchimi.

Ndipo ine nkhawona kuchanya kukajurika, ndipo . . . kavaloo mutuŵa; . . . (o, mwe!) . . . ndipo iyo mweneuyu wakakhalapo . . . wakachemeka Wakugomezgeka na Muneneska, ndipo . . . mwaurunji wakweruzga na kurwa nkhondo.

Ndipo maso ghake ghakawâ ngati malaŵi gha moto, ndipo... mutu wake ukawâ na mphumphu zinandi; ...

Iyo wakawwarikika vichi? "Fumu ya mafumu."

... ndipo iyo wakaŵa na zina lakulembeka, ilo kulije munthu wakalimanya, kweni... iyoyekha.

Ndipo iyo wakawwarikika chakuwwara chituŵa chakubizgika mu ndopa: ndipo zina lake likuchemeka Mazgu gha Chiuta.

"Mu mtendeko mukawâ Mazgu, ndipo Mazgu wakaŵa Chiuta. Ndipo Mazgu wakazgoka thupi ndipo wakakhala pakati pithu." Uyu wakaŵa Njani? Yesu.

... ndipo zina lake wakuchemeka Mazgu gha Chiuta.

Ndipo ūasirikali awo wakaŵa kuchanya ūakamurondezga iyo pa ūkavalô ūatuŵa, ūkawwara bafuta muweme, mutuŵa na wakutowa. (Uchindami! Apa Uyu wakwiza.)

Ndipo kufuma mu mlomo wake mukafuma lupanga, ilo... ndipo kuti ili litimbe fuko: ndipo... wazamuŵalamulira iwo na ndodo ya chisulo: ndipo iyo wakukanda chakukamatiramo mpheska cha chofyo cha ukali wa Chiuta Mwenenkhongono.

Ndipo pa chakuwwara chake na pa chigha chake pakaŵa zina lakulembeka, THEMBA LA THEMBA, NDIPO FUMU YA FUMU.

¹³⁴ Kasi chikawâ chivichi? Wanthu Wake wakaŵa kuti ūamuvwarika waka Iyo Themba la themba, Fumu ya mafumu. Wakuwerera ku Tempile Lake lituŵa, wakuphakazgika na Kuŵapo kwa Chiuta, kuzakakhala na kuwusa mu Mileniyamu pamoza na Mpingo Wake. Amen! Kuwonekeranga, na Fumu yankhongono, kuti watore malo Ghake ku chigaŵa Chake, Tempile liphya laufumu.

¹³⁵ Sono chakulinga chakumasuka m'vigawâ sikisi cha Chivumbuzi 6:1 kufika Chivumbuzi 19:21 chakwaniriskika.

¹³⁶ Tegherezgani sono, mu kujara. Vididimizgo Seveni, Mbata Seveni, Wadila Seveni, Masoka Ghatatu, mwanakazi mu zuŵa, kuponyeka kwa devulu, panji chinjoka chiswesi, vikwiza pakatikati pa nyengo izi mu Chisuzgo chikuru. Kuruwa yayi ichi. Vinthu vyose ivi vikuchitika mu nyengo iyi.

Kweni apa pali chakulinga chakumasuka m'vigawâ sikisi cha Kwiza Kwake. Kasi imwe mukugomezgâ ichi? Ndi nyengo yiwele uli yikuŵalindilira iwo ūneawo ūakutemwa Fumu! Ine nkhukuphalira iwe, mubwezi, ise tingazomerezga yayi kuphonya icho. Kuphonya yayi icho, pa chirichose imwe mukuchita. Simikizgani!

¹³⁷ Sono, pa Sabata yikwiza, usange Fumu yazomerezga, ine nkukhumba kuti nirongosore, usange Iyo wanivwirenge ine, kuti ndiwoneske ndendende uko lirilose la madazi ghara seveni, uko ivi vikachitikira, kutoranga chenechira—chinhu chenechira icho ine nanguchita muhanyauno, na kuwika nyengo seveni zira, masabata seveni, masabata sevente nkhanira mu malo gha kachisi yura wa Chiyuda, na kuwoneska nkhanira ndendende apo ise tiri kuno ku umaliro, para Fumu yazomerezga.

¹³⁸ Kasi imwe mukumutemwa Iyo? [Gulu likuti, “Amen.”—Munozgil] Kasi imwe mungazomerezga kuti muphonye Kuchanya? [“Yayi.”] Ise tiri ku nyengo yaumaliro!

Kasi Iyo wakwiza kuzakachitachi? Chinhu chakudanga icho chizamuchitika, pambere Yesu wandafike ku charu chapasi, kasi chinhu chakudanga chizamkuwa chivichi? Mpingo uzamuchita (vichi?) kukwatulika! Kasi Yesu wazamkwiza ku charu chapasi na kwenda kuruta ku malaro, na kukorana chasa na dada na mama, kutiyowyeska tose ise kuno, na kuruta kuchanya? Yayi!

Kasi ichi chizamkuwa uli? I... Ise tikuyowoya ichi kwa imwe, mwa m—mwa Mazgu gha Fumu, “Kuti ise taŵeneise tiri wāmoyo ndipo tikukhalirira...” Watesalonika Wachiwiri, chipatulo 5, “Ise taŵeneise tiri wāmoyo ndipo tikukhalirira mpaka Kwiza kwa Fumu, tizamuŵajandizga yayi panji kuŵakanizga iwo weneawo wākugona tulo. Pakuti mbata ya Chiuta yizamulira; wākufwira mwa Khristu wāzamudanga kuwuka: ndipo ise taŵeneise tiri wāmoyo ndipo tikukhalirira tizamukwapulikira kuchanya pamoza na iwo kukakumana na Fumu mu mlengalenga.” Ise tizamukwapulikira muchanya mu kanyengo, mu kuphayira kwa jiso. Mu nyengo yira, yira yikujara Muwiwo wa Mpingo.

¹³⁹ Ntheura, pasi pano pa charu chapasi Chiuta wakwamba kuchita na Wayuda. Kuzamkuwa wāprofeti wāwiri. Chipatulo 11, ise tichitorenge icho. Wāprofeti wāwiri wākuphakazgika, ngati Eliya na Moses, awo ine nkughanaghana ndicho ichi. Ndipo iwo wāzamwiziska nthembo zikuru, para iwo wāwona kuti iwo wāsazgikana, ndipo Rome waphwanya phangano lake, kalonga yura.

Mkatikati mwa sabata iyi ya nambala sevente, wazamuphwanya phangano lake na Rome, panji Rome wazamuphwanya ili na Israel, ndipo icho chizamupangiska ukazuzi uyambe kupwalarikira. Ndipo kuzamkuwa chigumula chikuru, para wakukhalirapo Wamitundu, mwali wakugona tulo...Chinjoka, Rome, chikafumya maji mu mlomo wake, kuti chipange nkhondo na mbewu yakukhalapo ya mwanakazi iyo yikusunga marango gha Chiuta. Rome wazamuchita icho.

¹⁴⁰ Chisazga cha mpingo chizamuŵasazga pamoza iwo, na kunjizga Wayuda mu chisazga ichi, na kuwawezgeraso iwo ku chisopo chawo cha m'tempile, mu NTHEURA WAKUTI

YEHOVA kufuma mu Baibolo, ndipo iwo wazamkuwa na mpingo wawo.

¹⁴¹ Iwo mbanjani sono? Ine nanguchikora waka ichi sono nthema. Ichi ntchafuleshi. Iwo sono ndi fuko, lakumanyikwa. Ndi unenesko uwo? Kweni iwo wachalije chisopo chawo cha m'tempile. Ndipo para iwo wakhazikiska chisopo cha m'tempile, Mpingo uzamkuwa kuti waruta. Chiuta wazamuchitanga na Wayuda ngati fuko. Ndipo ntheura para iwo wanjira mu chisazga ichi, Rome wazamumazga ichi mkatikati mwa chirimika cha nambala sevente, virimika vitatu na hafu, iyo wazamumazga phangano lira na iwo, na kupangiska ukazuzi uwo ukupangiska mupasuko kuti upwalarikire kufika ku kuparanyika. Ntheura iyo wazamutora Waprotestant yose, Muyuda, na kuwazikizga iwo. Mu nyengo yira, waprofeti wawiri awa wazamuyimilira na kutemba charu chapasi, kuti chizamupokera vura yayi mu mazuwa gha kutukuka kwavo. Ndipo iwo wazamuchema Moto kufuma kuchanya, na chinyake chirichose. Imwe lindizgani waka. Ise tiri na vinandi viri umu, vyasungikira ise, kuti tisambre.

¹⁴² O, ndi Chiuta mukuru uli Iyo wali! Dada wa lusungu uli! Wabwezi, rekani ine niyowoye ichi, ngati mliska winu. Imwe mukumanya yayi myawi iyo imwe mukukhala pasi pake. Imwe mukumanya yayi. Kuli wantru wanandi wakutchuka, kuli watuwa wanandi, kuli masauzandi gha wantru watuwa awo wakafwa mu virimika vyajumpha, wantru wakuzuzgika na Mzimu awo nthema wakatemwa kuzakaliwona dazi ili leneilo imwe mukukhalamo. Tiyeni imwe na ine tisangirepo mwaawi wa ichi.

¹⁴³ Kasi ise tiri na vichi icho tikulindizga? Kasi ise tingachita vichi para ichi chajumpha? Kasi ise tikuyankhu? Kasi kuchitikenge vichi? Ise tikwenera kuti tirute kumalo kunyake. Imwe mukhalirirenge kuno yayi nyengo yose. Imwe mungamanya kutchetcha uteka winu; sabata yikwiza uwu ukukhumbikwaso kutchetcheka; enya, kawiri, pambere nyengo yira yindafike. Imwe mungamanya kulera wana winu. Imwe mukuwapa iwo chakurya chawo; pa nyengo ya chakurya cha kugonera iwo waliso na njala. Kuwapa chakurya iwo chakugonera; iwo waliso na njala mlenji wakurondezgako. Imwe mukuwagulira skapato iwo; usange iwo wali ngati wane, pakunji myezi yiwiri panji yitatu imwe mukuwaguliraso skapato zinyake. Imwe mukuwagulira malaya mwezi uwu; mwezi umoza panji yiwiri imwe mukuwaguliraso malaya ghanyake ghaphya. Mukuwona? Kulije chinthu chikukhalirira. Kulije chinthu ntchakukhazikika. Kulije chinthu icho chingakhalirira.

Mungadokeranga mausambazi ghawakawaka
gha charu ichi,
Agho ghakuvunda luwiro chomene,

ÎWikani vigomezgo vyinu pa vinthu
 Vyamuyirayira,
 Ivi vimarenge yayi!
 Nyengo yazura na kusintha kwaluwîro,
 Palije pa charu chapasi chambula kukhora
 chingayima,
 ÎWikani vigomezgo vyinu pa vinthu
 Vyamuyirayira,
 Koreskani ku woko la Chiuta lambula
 kusintha!
 Koreskani ku woko la Chiuta lambula
 kusintha!
 Koreskani ku woko la Chiuta lambula
 kusintha!
 ÎWikani vigomezgo vyinu pa vinthu
 Vyamuyirayira,
 Koreskani ku woko la Chiuta lambula
 kusintha!

Tegherezgani:

Para ulendo withu wamara, (Iyo
 watiphalirenge ise apo uwu umalirenge.)
 Usange kwa Chiuta ise tiri kuwa âwaneneska,
 Yakutowa na yakuwara nyumba yithu mu
 Uchindami, (Msumba ula wakuphakazgika.)
 Uzima withu wakukondwa uzamuchiwona!
 Koreskani ku woko la Chiuta lambula
 kusintha!
 Koreskani ku woko la Chiuta lambula
 kusintha!
 ÎWikani vigomezgo vyinu pa vinthu
 Vyamuyirayira,
 Koreskani ku woko la Chiuta lambula
 kusintha!
 Mungadokeranga mausambazi ghawakawaka
 gha charu ichi,
 Agho ghakuvunda luwîro chomene,
 ÎWikani waka vigomezgo vyinu pa vinthu
 Vyamuyirayira
 Ivi vimarenge yayi!
 Koreskani ku woko la Chiuta lambula
 kusintha!
 Koreskani ku woko la Chiuta lambula
 kusintha!
 ÎWikani vigomezgo vyinu pa vinthu
 Vyamuyirayira,
 Koreskani ku woko la Chiuta lambula
 kusintha!

Apo ise tikusindamiska mutu withu, usange imwe mundakoreko woko Lake, uli imwe mwize waka muchite ichi sono?

Koreskani ku woko la Chiuta lambula kusintha!

Wikani vigomezgo vyinu pa vinthu Vyamuyirayira,

Koreskani ku woko la Chiuta lambula kusintha!

¹⁴⁴ Msungwana muchoko, iwe ndiwe mwanakazi muchoko wakutowa sono. Sisi lako lichoko ndakutowa, matama ghako ghachoko ngakutowa. Kweni, iwe ukumanya, ichi chiwengeko waka namachero, mpaka, ivi vimarenge. Kasi ise tikumanya uli kuti sabata yikwiza mphorozi zizamuryanga yayi, mu dongo, ghakutowa ghara, ghachoko, matama ghakutowa?

¹⁴⁵ M'bale wachinyamata, iwe ndiwe wankhongono, mukuru, minofu yankhongono; iwe uli na kukhazga kukuru. Kweni para pajumpha kanyengo, namachero waka, lakutowa lira, sisi lakuposekana lizamumara, ndipo ilo lizamukhalapo lizamuzgoka la nyivvi. Ghakuru agho, mapewa ghakunyoroka ghazamubwanthuka, ndipo mphorozi zizamuyamba kurya mu mawoko na mu munofu. Iwo wazamuruta nave kutali, mu dongo.

Ntheura, Wikani vigomezgo vyinu pa vinthu Vyamuyirayira,

Ivi vimarenge yayi!

Koreskani ku woko la Chiuta lambula kusintha!

Koreskani ku la Chiuta . . .

Nkhukhumba kuti imwe munyoroske ndipo mukoreko woko Lake sono.

Wikani vigomezgo vyinu pa vinthu Vyamuyirayira,

Koreskani ku woko la Chiuta lambula kusintha!

Ntheura para ulendo uwu wamara, (Ichi chizamkuwako, dazi linyake.)

Usange kwa Chiuta ukawa muneneska,
Yakutowa na yakuwara nyumba yinu mu Uchindami,

Uzima winu wakukondwa uzamuyiwona!

Uli imwe mukoreske ku woko la Chiuta lambula kusintha!

Koreskani ku woko la Chiuta lambula kusintha!

Ŵikani vigomezgo vyinu pa vinthu
 Vyamuyirayira,
 Koreskani ku woko la Chiuta lambula
 kusintha!

¹⁴⁶ Ine ndiri kuwona vinthu vinandi, pafupifupi virimika satewanu kumanyuma kwa desiki. Ine ndiri kuwonapo vinthu vyachitima; ine ndiri kuwonapo vinthu viweme. Chinthu chachitima chomene icho ine nkawona mu umoyo wane... Umo ine ndiri kuwonera wana wānandi wākavu mu msewu; ine ndiri kuwona wāmama wākupempeskanga chiwārukwa chimoza cha chingwa. Chinthu chachitima chomene ine ndiri kuwona, ndi mwanarumi, munthu, ndipo mweneuyo wakwenera kuwā mwana mwanarumi wa Chiuta, wakufwa kwambula kumumanya Chiuta.

¹⁴⁷ Ine nkhukumbukira mwanakazi wakimilira pa khomo usiku umoza, la tchalitchi ili, wakaniseka ine. Ndipo wakati, “Ine ningazomerezga yayi ng’ombe yane kuti yiwe na chisopo ngati ndi icho iyo wali nacho!” Pachali pandajumphe ora limoza, ine nkhachemeka ku chipatala. Mwanakazi wakutowa, pakunji virimika twente-thu vyakubabika, iyo wakaliranga, “Kamutoreni mupharazgi yura wize kuno!” Iyo wakaŵa wa Katolika, mwa chipulikano.

Para ine nkhati nafika, mlongosi mulara wakati, “Iwe wachedwa chomene, M’bale Branham. Iyo wangufwa maminiti ghankhonde ghajumphha.”

Ine nkhati, “Kasi ningamuwona iyo?”

Wakati, “Iyo wanguchema iwe, mu mazgu ghake ghaumaliro, ‘Kamutoreni mupharazgi yura, M’bale Branham!’”

Mfumu wake wakaŵapo, wakaliranga, “Murombere iyo! Yowoya lurombo!”

Ine nkhati, “Nyengo yamara chomene sono.”

¹⁴⁸ Ine nkhabenura chakumubenerera. Iyo wakaŵa na maso ghakuru ghaswesi. Mwanakazi wakutowa; madonthomadontho ghachoko pa chisko chake; sisi lakuphyuwara; wakutowa chomene. Iyo wakasuzgika chomene mpaka madonthomadontho ghakazutupuka pa chisko chake ngati nthenkhu. Maso ghake ghakafumira kuwaro kwa vibowo vyawo, ngati nttheura. Ndipo, nkhumanya, matumbo ghake na ziso vikachuruka, cheneicho chiru mu a—mu a... Waliyose wakuchita icho apo iwo wākufwa, kenekanandi. Ndipo iyo wakaŵa apo, chigonere mu kawiro kala, mlomo wake wakujurika. Ndipo vikope vyake uku, vikabenekerera pachoko lwande la jiso lake. Ine nizamuruwa yayi ichi. Sumu yira yikafika ku malingaliro ghane.

Mungadokeranga mausambazi ghawakawaka
 gha charu ichi. (Kutowa, kujikuzga.)

¹⁴⁹ Ine nkhayimilira pafupi na mwanarumi kudera kuno mu Port Fulton, wakafwanga. Iwo wakanichemera ine ku bedi lake. Ndipo ine nkharomba pamoza na iyo muno pa guwa usiku umoza. Iyo wakawika woko lake kukumbatira mwanakazi. Ine nkhati, "Fumiskako woko lako kwa dona uyo."

Iyo wakati, "Ine nkhumurongzgera iyo kwa Chiuta."

¹⁵⁰ Ine nkhati, "Ntha na woko lako kukumbatira iyo." Ine nkhu Gomezga yayi mu chinthu ngati icho. Iyo wakanikwiyira ine. Iyo wakafuma pa muryango.

Ine nkharuta kwa iyo, kanyengo kanyake pachoko, para iyo wakafwanga. Iyo wakanilaŵiska ine ku maso, wakati, "Kunirombera yayi ine, M'bale Bill. Ine natayika. Ine namara." Wakati, "Vyose ivyo ine nkhasakata, vyamara."

¹⁵¹ Ine nkhayimilira nkhanira apa pa kona, kamtunda kachoko kufuma apa, dazi limoza, kwa mwanarumi uyo wakanichemera ine ku bedi lake para iyo wakafwanga. Iyo wakati, "Ine nyengo zose nkakhumbanga *chakuti-na-chakuti*, na chakuti." Iyo wakati, "Kweni ine nkhayitumikira yayi Fumu. Nyengo zinandi ine nakhala nkugongowa kuruta ku guwa." Iyo wakati, "M'bale Branham, romba kuti Chiuta wazomerezge msungwana wane muchoko kuti waniphepiskire vinthu ivyo ine ndiri kuchita. Panyake iyo wangayichitira chinyake Fumu."

¹⁵² Ine nkhati, "Icho chingachitika yayi, m'bale. Vinthu ivyo iwe ukenera kuchita vyatayika." Hum!

¹⁵³ Nkhayimilira pafupi na mwanarumi, kumuwona iyo wakulimbana na viŵanda maora twenty-foru. Wakati viŵanda vikimilira kumphepete kwa bedi lake viri na maunyoro mu singo zavo. Wakati, "Kuvizomerezga yayi ivi vinikore ine!" Kuliranga; kumukolerera iyo pa bedi. Wakati, "Icho chayimilira apo. Kasi iwe ukuchiwona yayi ichi? Ichi chikwiza kwa ine." Iyo wakamukana waka Chiuta, kale chomene. Wakawâna na nkhokwe zikuru zakuzura chakurya cha viŵeto, zakuzura tirigu, wakavalô âweme âwakuchitira chipharizgano. Chirimika chimoza pambere chindachitike icho, iyo wakatemba Chiuta pa maso Pake, wakatimba muwoli wake chifukwa chakuti wakaruta ku tchalitchi. Imwe mukumanya icho chikachitika? Leza wakatimba nkhokwe yake, ndipo wakakoma âwakavalô âwake, wakawotcha chakurya chake cha viŵeto. Ndipo mwanarumi wakafwira mu mtundu unyake wa nthembo, kulimbananga na viŵanda kuti vifumeko kwa iyo.

¹⁵⁴ Ndipo mubwezi wane wakale (uchindami!) chiyimilire kula, wafika ku umaliro wa msewu. Ine nkhati, "Kasi iwe ukuruta, dada?"

Wakati, "Ichi ndicho, Billy."

Ine nkhati, "Kasi viri uli?"

¹⁵⁵ Iyo wakati, "Vyose viri makora." Wakati, "Zaninge na wana wane wafike musi mwa bedi." Iyo wakawika mawoko ghake ghakulombotoka pa waliyose wa wana wake ndipo wakawatumbika iwo. Wakaphalira wana wake wanarumi wawiri, wakati, "Wuskani mawoko ghane, ghakwezgeni muchanya, ngati ndiumo Joshua na Kaleb wakachitira." Ise tikamanya yayi icho iyo wakati wayowoyenge. Iyo wakati:

Dazi'lo, dazi'lo,
Apo Yesu wakayegha zakwananga zane!
Iyo wakanisambizga kukhala tcheru na
kuromba,
Na kusekerera dazi lirilose.

Ise tiri navyo vinthu vinyake ivyo ise tikwenera kuti tifikeko, wabwezi! Kulije munthu uyo wakuleka kukhumba kurya chakurya chiweme, kwendeska galimoto yiweme, kuwa na chiweme chomene icho ise tingamanya kuwa nacho. Ine nkhumususka yayi iyo. Icho ntchiweme. Chiuta wakukhumba kuti iwe uwê nacho icho, kweni:

Mungadokeranga mausambazi ghawakawaka
gha charu ichi,
Agho ghakumara luwiyo,
Wikani vigomezgo vyinu pa vinthu
Vyamuyirayira,
Ivi vimarenge yayi!

Tiyeni tikwezge mawoko ghithu sono apo ise tikwimba.

Koreskani ku woko la Chiuta lambula
kusintha!
Koreskani ku woko la Chiuta lambula
kusintha!
Wikani vigomezgo vyinu pa vinthu
Vyamuyirayira,
Koreskani ku woko la Chiuta lambula
kusintha!

¹⁵⁶ Apo ise tikwimirira, tiyeni ting'anamuke waka ndipo tikorane chasa na munyake sono. Ise tirutirizgenge, chisopo, kanyengo waka. Kweni ine nkhukhumba kuti imwe mung'anamuke apo ise tikwimba vesi linyake la sumu yira.

Koreskani ku woko la Chiuta lambula
kusintha!

Chita ichi, dada! Chita ichi, dada! Kwa Chiuta! Chita ichi, wachinyamata! Chita ichi, m'bale! Chita ichi, m'bale!

Wikani vigomezgo vyinu pa vinthu
Vyamuyirayira,
Koreskani ku woko la Chiuta lambula
kusintha!

¹⁵⁷ Kasi ndimwe wakukondwa yayi chifukwa cha Iyo? Yowoyani “Amen!” [Gulu likuti, “Amen!”—Munozgil] Mose imwe mukumutemwa Iyo, yowoyani, “Warumbike Fumu.” [“Warumbike Fumu!”] Mose imwe mukugomezga kuti mwasimikizga mukuruta ku Msumba ula, kwezgani woko linu. (Koreskani ichi, miniti pera, na sumu yinu.)

Ine nkhiruta ku Msumba wakutowa ula, (Kasi iyo yikwimbika uli sono?)

Fumu yiri kuwanozgera Wake Yekha;
Uko wose wakuwomboreka mu miwiyo
Âwakwimba “Uchindami!” kuzingilira
Chizumbe Chituâ;

Nyengo zinyake ine nkhukumbuka kukaya
Kuchanya,

Ndipo uchindami kula ine namkuuwona:
Kasi chizamkuâ chimwemwe uli, Para ine
nkhuwona Muponoski wane,
Mu Msumba wakutowa ula wa golide.

Kasi imwe mukuyitemwa yayi iyo?

Ine nkhiruta ku Msumba wakutowa ula,
Fumu yane yiri kuwanozgera Wake Yekha;
Uko wakuwomboreka wose mu miwiyo
Âwazamkwimba “Uchindami” kuzingilira
Chizumbe Chituâ;

O, nyengo zinyake ine nkhukumbuka kukaya
Kuchanya,
Ndipo vimwemwe ine namkuviwona kula:
Kasi chizamkuâ chimwemwe uli, Para ine
nkhuwona Muponoski wane

Mu Msumba ula wakutowa wa golide.

Imwe mukumutemwa Iyo? [Gulu likuti, “Amen.”—Munozgi]
Ntheura:

Tora Zina la Yesu na iwe,
Mwana wa chitima na wasoka;
Likupenge chimwemwe na chipembuzgo,
Tora Ili kose uko ukuruta.

Zina Lakuzirwa, (Zina Lakuzirwa!) O kunowa!
(O kunowa!)

Chigomezgo cha charu na chimwemwe cha
Kuchanya;

Zina Lakuzirwa, (Zina Lakuzirwa!) O kunowa!
Chigomezgo cha charu na chimwemwe cha
Kuchanya.

Sono, kuruwa yayi pa Sabata yikwiza mlenji, nayini-sate.
Ndipo ntheura ise tizamuyezga, usange Fumu yazomerezga,
tizakamalizge nyengo yiweme, kuti tizakawé na kurombera
warzwari, pa Sabata yikwiza mlenji pa nayini-sate.

Pa Zina la Yesu nkhwugwadira,
 Kuwa mwantchindi pa marundi Ghake,
 Fumu ya mafumu Kuchanya tamkuyivwarika
 Iyo,
 Para ulendo withu wamara.

Zina Lakuzirwa, (Zina lakuzirwa!) O kunowa!
 (O kunowa!)

Chigomezgo cha charu na chimwemwe cha
 Kuchanya;

Zina Lakuzirwa, (Zina Lakuzirwa!) O kunowa!

Chigomezgo cha charu na chimwemwe cha
 Kuchanya.

Tegherezgani waka ku vesi ili:

Pa Zina la Yesu nkhwugwadira,
 Ngati Chiskango ku msampha uliwose;
 Para viyezgo vyakuzingirizga,
 Thuta waka Zina Lituwa lira mu kuromba. (Ilo
 lichitenge ichi!)

Zina Lakuzirwa, (Zina lakuzirwa!) O kunowa!
 (O kunowa!)

Chigomezgo cha charu na chimwemwe cha
 Kuchanya;

Zina Lakuzirwa, (Zina Lakuzirwa) O kunowa!

Chigomezgo cha charu na chimwemwe cha
 Kuchanya.

Sono ine nkhuwezgera chisopo kwa mliska, M'bale Neville,
 kuti wayowoye mazgu ghake ghakujalira na chirichose iyo
 wangamanya kuyowoya.



*CHAKULINGA CHAKUMASUKA M'VIGAŴA SIKISI CHA
ULENDOWA GABRIEL KWA DANIEL CTK61-0730E*
(The Sixfold Purpose Of Gabriel's Visit To Daniel)
MNDANDANDA WA MASABATA SEVENTE GHA DANIEL

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata kumise, Julayi 30, 1961, pa Branham Tabernacle mu Jeffersonville, Indiana, U. S. A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2020 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org